

WAN WIK

Wantok (Boroko, Papua New Guinea)
SSH Current Shelves
UC San Diego
Received on: 12-04-06

Great Quality

Affordable Price



Namba 1685 NIUSPEPA BILONG YUMI OL PNG STRET!

Wan Wik, Novemba 9-15, 2006 K1.00 long
Mosbi tasol - Ausait Mosbi K1.30

I STAP WANTAIM YU OLGETA HAP!

LUKAUT!

PNG nogat inap banis long daunim hevi bilong Bet Flu na Strongpela kus nogut...



KIRAPIM WOK: Praim Minista Sir Michael Somare na Minista i bosim wok maining. Sam Akoitai i sanap wantaim ol bikman bilong gavman bilong Saina na bosman bilong Kampani i go pas long sanapim Ramu Nikel na Kobal Main na savolim graun long makim kirap bilong wok. Tasol i gat bikpela belwari i stap yet namel long ol papagraun olsem dispela projek bai bagarapim busgraun na wara bilong ol. Lukim moa stori long PES 3. *Poto: PM's Midia*

MINISTA i bosim Helt na Bogenvil Afes, Sir Peter Barter i autim bikpela belwari bilong em olsem PNG i nogat inap banis long daunim hevi bilong bet flu o sik nogut bilong pisin na narapela strongpela kus we i ken bagarapim ol pipel bilong yumi.

Sir Peter i tokaut strong olsem maski i gat singaut i kam long ol bikpela intanesenel helt ogenaisesen olsem Wol Helt Ogenaisesen (WHO), Kaikai na Agrikalsa Ogenaisesen (FAO) na ol arapela, PNG yet i no mekim inap wok long redi gut long bungim hevi bilong dispela dispela bikpela sik nogut.

Em i tok Nesenel Eksekutiv Kaunsil (NEC) i bin tok oraitim wanpela rot bilong gavman long redi long bekim dispela tupela sik, tasol wok rere bilong yumi i no inap long mak we kantri bai inap banisim em yet long dispela ol sik sapos ol i kalapim bodamak bilong Indonesia na kam insait long PNG insait long ol wel pisin i kam long Esia o ol kakaruk na pisin abus ol manmeri i save karim i kam long ol kantri long Esia we ol dispela sik i kilim dai planti abus na manmeri pinis.

Sir Peter i tok pablik praiwet bisnis na olgeta komyuniti i mas klia long dispela ol sik na ol wok Helt Dipatmen na Nesenel Kworentin Inspeksen Atoriti (NAQIA) i mekim i no inap.



Em i tok i mas gat wanpela bikpela kempen tru long skulim gut ol pipel long klia moa long dispela sik bet flu na ol rot bilong banisim ol yet long en sapos em i abrusim ol Helt na NAQIA lain na kam insait long kantri.

Bikpela askim Sir Peter i tromoi em sapos i gat moa wok na mani i go long strongim boda sekyuriti namel long PNG na Australia long ol intanesenel kworentin pot na sampela trening long pablik human helt na agrikalsa ekstensen wokmanmeri long ol provins.

Bikpela hevi tru i stap yet long redi long ol bikpela namba manmeri husat i ken indai long dispela sik bet flu. Maski em i bruk namel long ol abus pisin o namel long ol pipel.

"Olgeta manmeri i sindaun bihainim boda mak namel long PNG na Indonesia na ol lain i sindaun long ol noten ples bilong PNG i mas bihainim stret olgeta stia i kam long NAQIA na banisim ol yet. Ol kakaruk bisnismmeri, na ol arapela bisnismmeri i noken karim ol laip abus i kam long ol ples tambu we sik ya i kamap pinis long en," Sir Peter i tok.

- Ol arapela ripot:
- Bet Flu bai karim wanem kain hevi? - PES 2
- Wanem ol rot bilong banisim yu yet? - PES 2



I Stap wantaim yu long olgeta hap!!

RAIT BULI BIA!!

SSH
Current
Shelves
DU
740
A2
W3
v. 1685

Ol provinsel gavman bai stap yet

Andrew Molen i raitim

OL provinsel gavman bai stap yet.

Long Trinde dispela wik palamen i vot 74-0 bai ol provinsel gavman i mas i stap.

Long stat bilong yia yet i kam planti toktok i wok long kamap long palamen i mas rausim ol provinsel gavman.

As bilong dispela ol i tok em bilong wanem ol i bilip mani save i go pas antap long provinsel gavman levul na i no save i go daun long ol distrik.

Dispela i lukim planti ol distrik i bagarap na i nogat gutpela sevis i save go long ol.

Aninit long lo gavman i mas kisim 73 o moa vot long mekim dispela i kamap lo tasol dispela vot i soim olsem ol provinsel gavman bai stap long 2007 na bihain i nap wanem taim palamen i tingting long senisim ken.

Memba bilong Mendi Michael Nali tok em ol i ken rausim ol provinsel gavman tasol em i no gutpela tumas.

"Mi olsem open memba bai lukluk long hevi bilong ilektoret bilong mi

tasol i no i nap long narapela ilektoret.

"Tasol rijinel memba i ken go long olgeta ilektoret bilong wanem em i makim olgeta hap long provins," Mista Nali tok.

Em i tok em i gutpela long i gat man i stap long makim provins bilong em long palamen.

Long wankain taim tu palamen i vot long surukim taim bilong ileksen long 8-pela wik i go daun long 4-pela wik tasol.

Ol i tok dispela bai givim sans long olgeta manmeri i gat sans long kempen na vot long stretpela rot stret.

Memba bilong Gumine, Nick Kuman i tok sampela kendidet i gat planti mani na 8-pela wik em bikpela taim we ol i save yusim long grisim ol manmeri wantaim mani na ol samting long vot long ol.

"Sapos yumi sot dispela taim bilong vot bai ol i nogat taim long mekim dispela kain pasin na olgeta manmeri na ol kendidet bai gat sans long kempen na vot stret," em i tok.

Palamen i pasim dispela lo 78-0 vot na mekim 1-pela wik bilong nominasen na 3-pela wik bilong kempen.

K3 bilien Ramu Nickel projek i kirap

Michael Novingu i raitim

WOK BISNIS bilong Madang, PNG na pipel bilong Usino Bundi na Raikos bai kamap gut bikos wok go het bilong bikpela Ramu Nickel na Kobal projek long Kurumbukari bai stat nau.

Dispela em i toktok bilong Paim Minista Sir Michael Somare long makim brukim graun bai wok i kirap long Ramu Nickel projek.

Long wok painimaut 40 yias i go pinis, ol bin painim olsem i gat mineral nikel na kobal i stap insait long graun bilong yumi.

Long kirapim dispela projek ol i putim samting olsem US\$800 milien na long manimak bilong yumi long PNG, em inap long K3 bilien.

"Tude mi amamas long sanap hia na makim gavman bilong PNG, Madang provins, pipel bilong Usino-

Bundi, Raikos na ol narapela pipel bilong PNG, Saina Metalujikel Konstraksen kampani, Hailans Pasifik long opim go het bilong dispela projek," Sir Michael i tok.

Dispela em i bikpela projek bai go het long Madang provins na tu, em i bikpela invesmen long ol pipel bilong Usino Bundi, Raikos na ol narapela pipel bilong PNG tu, Sir Michael i tok.

Em i singaut long ol pipel bilong Usino Bundi na Raikos long holim pasin bilong wok-bung wantaim Madang Provinsel Gavman, Nesenel gavman, Hailans Pasifik na CMCC long kirapim na winim wok.

"Mi amamas long tokaut olsem gavman bai katim sampela mani long neks baset long wokim rot long Walium Gavman stesen i kam long Raikos na bung wantaim rot i kam long

Madang na Rasikos wantaim helpim bilong ol patna bilong Ramu Nickel projek," Em i tok.

Sir Michael i tokaut tu olsem gavman bilong en i no bilong kisim dispela Nickel na kobal na salim long sampela liklik lain manmeri bai

kisim gutpela samting long em, nogat. "Gavman bilong mi i laik lukim ol pipel bilong Usino Bundi, Raikos na Madang provins i mas kisim gutpela samting na developmen i go insait long ol liklik hauslain.

GG givim buk long Laibri

Salome Vincent i raitim

Akaivs, Oseah Philemon.


"LONG kamapim gutpela laip bilong yu yet long bihain taim, yu mas stap tru long yu yet na wok strong".

Dispela toktok i kam long His Ekselensi, Gren Sief Sir Paulias Matane, Gavana Jenerel bilong Papua Niugini taim em i raun i go long laibri long Tunde long givim ol buk bilong em.

Sir Paulias i givim 27 buk em i raitim i go long Bod Siaman bilong Nesenel Laibris na

PNG Koleksan em wanpela koleksan bilong ol nampawan buk na arapela stori bilong PNG ol manmeri bilong PNG yet i raitim.

Sir Paulias i tok em i gat bikpela laik long ol rot we yumi ken lukautim gut kantri bilong yumi na long dispela as em i raitim ol buk olsem 'Management problems in PNG-Their solutions', 'Further problems of management in PNG-Their solutions' na 'Management for Excellence'.



GIVIM SAVE: Gavana Jenerel Sir Paulias Matane em i hap man bilong raitim buk tu. Em i bin givim sampela buk em yet i raitim i go long Nesenel Laibris na Akaivs long stap insait long ol lain PNG buk koleksan.

Ramu Wara pipel bai pait long lukautim wara

Veronica Hatutasi i raitim

Nikel maining projek i op nau na i go het.

MOA long 70,000 pipel i stap long ol ples arere long Wara Ramu insait long Madang provins i tok ol bai pait hat long lukautim rait long klipela na helti wara em i laipblut bilong ol.

Michael Kasuk em i wanpela komyuniti lida bilong Bosmun eria long Lowa Ramu besin insait long Madang provins yet i wokim dispela strongpela toktok bihain long Nesenel Gavman na Saina Metalujikel Kampani (CMC) i wokim sere- moni las Fraide long brukim graun long soim olsem K3 bilien Ramu

Paim Minista Sir Michael Somare i bin tok PNG gavman na ol CMC Saina patna i tro- moim bikpela mani (K3 bilien) long kirapim dispela projek na em i singautim ol asples pipel bilong Madang long givim sapot bilong ol bikos ol bai kisim planti gutpela helpim long dispela maining projek.

Tasol planti asples pipel we Wara Ramu i laipblut bilong ol long tumbuna taim yet i kam inap nau na bai go het long taim i kam i wari moa yet long pipia bilong Ramu Nickel Main bai bagarapim gutpela mama wara bilong ol.

"Mipela i pait long rait bilong lukautim laipblut bilong pipel bilong mipela nau na long bihain taim. Wara Ramu i olsem susu bilong mama i givim kaikai long strongim mipela long gro.

"Mipela i dring long em, waswas long en, raun long en long kanu, wokim saksak em kaikai bilong mipela, painim pis na ol arapela abus long en, wokim gaden long gutpela gris graun wara i save kamapim olgeta taim wara i tait long en na moa," Mista Kasuk i tok.

Ol papagraun i tok wanpela paiplain bilong projek bai karim 5 milien ton hevi pipia

long Ramu Nickel main i go long solwara bilong Astrolob Bel na ol pis, ol arapela abus samting na ol pipel i stap long eria na i go longwe moa bai bungim hevi.

Komyuniti Afeas seksen bilong Ramu Nickel Main (RNM) i tok wari bilong ol papagraun em ol i luksave long en na ol i laik stretim olgeta rot.

Greg Tuma em wanpela bikman long RNM Komyuniti Afeas i tok i gat pinis wanpela Envaironmen stadi plen na Nesenel Gavman i tok oraitim pinis long 2001.

Em i tok ol grup we i mekim ol toktok long bikpela mak bilong pipia bai bagarapim

Wara Ramu na solwara long Astrolobe Bel i mas gat evidens long inapim ol toktok bilong ol.

Mista Tuma i tok RNM bai wokim ol wol long banisim wara i karim graun i gat pipia i go long solwara bilong Astrolob Bel na wok long dispela bai stat neks yia.

Em i tok Envaironmen stadi em i bikpela samting na kampani i mas bihainim lo bilong kantri na i gat dispela bipo wok long main i kirap.

Em i tok planti pipel long Ramu i wanbel long main i go het na liklik lain tasol i wok long mekim nois i stap.

POST TOKTOK SUPA

OL POSF HAUSING ETVANS (HOUSING ADVANCES)

Suparenuesen lo i strong moa long sait bilong larim ol memba i kisim ol benefit bilong ol bipo long ol i ritaia o lusim wok. Tasol i gat wanpela rot i stap bilong ol memba long sanapim o baim haus.

Husat memba i kwolifai o i gat inap namba, i ken aplai long rausim hap bilong ol kontribusen bilong ol long helpim ol long baim o sanapim wanpela nupela haus.

Dispela etvans em ol i ken yusim long baim wanpela haus i sanap pinis long Stet Lis Graun (State Lease Land) o long sanapim wanpela haus antap long Gavman (State Lease) o Kastomari graun.

Husat i kwolifai long kisim wanpela Hausing Etvans?

Ol memba i mas inapim ol dispela samting long kwolifai long aplai bilong kisim wanpela haus- ing etvans:-

1. Yu mas stap olsem memba bilong Fan o wanpela arapela Suparenuesen Fan inap long 5-pela krismas.
2. Hasu i mas namba wan haus slip bilong yu. (Yu mas stap insait long dispela haus taim yu pinis long baim o sanapim)

Wanem bikpela mak mani yu ken kisim?

We manimak bilong haus we yu laik sanapim o baim i moa long K75,000, bikpela manimak bilong etvans em olgeta mani bilong memba kontribusen.

We manimak bilong haus yu laik sanapim o baim i daumbilo long mak bilong K75,000, bikpela mak bilong mani yu ken kisim aninit long etvans em olgeta mani bilong memba kontribusen wantaim intres.

Moa long Hausing Etvans insait long Toktok Supa neks-wik

Kiosk nau i op long Post PNG Office long:

Goroka	Ph: 732 2470
Kimbe	Ph: 983 5161
Kevleng	Ph: 984 2436
Alotau	Ph: 641 1207
Wewak	Ph: 856 2290

Long kisim moa toksave. Plis ringim POSF Memba Sevises. PH: 3095244 o Kina Investment & Superannuation Services PH: 180 1010 (toll free namba o namba i nogat kos long yusim).

Ol lait haus long Bogenvil bai kirap ken

OL lait haus bihainim nambis bilong Bogenvil bai kirap ken liklik taim long was long ron bilong ol sip long dispela hap.

Ol sip i ron long hap i save go nating bilong wanem i nogat moa lait haus i wok gut long hap bihain long ol i ros na bagarap long taim bilong pait long ailan i hap 10-pela.

Navigesen eid (Navigation Aid) o NavAid bilong Bogenvil aninit long nevigesen eid mentenens we Esien Developmen Benk (ADB) i putim mani long en.

Dispela wok we i kam aninit long dipatmen bilong trenspot na sivil eviesen bai lukim ol i stretim bek 20-pela lait haus neks yia.

Dispela wok bai

helpim tu long apim ron bilong ol sip i go i kam long ailan na dispela bai no i nap helpim ol bikipela kampani husat i gat sip tasol.

Em bai helpim tu ol papagraun husat lait haus i sanap long graun bilong ol.

Dispela ol progrem bai mekim ol papagraun long lukautim ol dispela lait haus.

Nau yet wanpela enjinia, Paul Greens-Well wantaim ol wokman bilong em bilong Beca konstraksen i raun na lukluk long ol dispela lait haus.

Josephine Geno bilong nesanel maritaim sefti otoriti (NMSA), Beca konstraksen na Bogenvil lait haus komiti (BLC) we ol memba bilong kaunsil bilong ol sief i mekim las wik Fraide i

bung na toktok long dispela wok bai kamap olsem wanem.

Insait long dispela projek, wanpela komyuniti lait haus komiti, ol papagraun, ol konstrakta na ol arapela bai lukautim ol dispela lait haus long wanwan ples bilong ol taim ol lait haus i wok ken.

Mista Greens-Well i tok nau yet ol sip i save ron nating wantaim nogat was bilong ol lait haus na dispela i save pretim planti kampani long ronim sip bilong ol i go olsem long Bogenvil.

Narapela samting tu we bai kamap em NavAid helpim bilong Bogenvil bai mekim ol mak long bris bilong sip long Kieta na Buka we bai helpim ron bilong ol sip long san.



KAM BEK UN: Ol eks paitman na ol yangpela bilong Kunua long wes kos Bogenvil i redim ol gan long putim insait long ol kontena aninit long progrem bilong Yunaitet Nesens Obseva Misin long Bogenvil. Taim ol trabel long gan i kamap gen long ailan, singaut i kamap long ol UN i mas go bek long ailan na helpim long bungim olgeta gan.

FAIL POTO

Pipel i kros long raskol pasin

Aloysius Laukal i raitim

OL manmeri bilong ol narapela hap insait long Otonomes Rijen bilong Bogenvil i wok long sanap strong nau yet long soim bel hevi bilong ol long pasin raskol i wok long kamap long han bilong ol Me'ekamui na ol soldia bilong bipo.

Long sampela ripot we i kam kamap long Buka, i tok olsem ol soldia bilong bipo long Nagovis na Tinputz insait long bikiples Bogenvil nau i kamap wantaim ol ogenaisesen olsem Buin. Fridom Paita, we ol i


wok long blokim ol rot na bihainim ol lain we i bin pretim ol manmeri we i nogat birua wantaim ol gan long taim bihain long Bogenvil hevi.

Long wik i go pinis wanpela bikman bilong Konnou eria insait long Buin long Saut Bogenvil i salim tok long ol Otonomes Bogenvil Gavman i mas hariap tru kisim Rijinel Asistens Misin, we i stap nau yet long Solomon Ailan long kam insait long Bogenvil na go het wantaim operesen bilong ol long rausim olgeta gan insait long ailan.

Dispela bikman husat i les long givim nem bilong em i tok olsem sapos Bogenvil i laik muv go het, em i mas rausim ol gan insait long ARB.

Long wantaim tu dispela bikman bilong Konnou i mekim wanpela singaut long ol Yunaitet Nesens i mas kam bek gen long Bogenvil.

Em i tok olsem Yunaitet Nesens i no bin pinisim gut ol progrem bilong ol na i bin lusim Bogenvil, dispela em i as bilong ol hevi we i wok long kamap nau insait long olgeta hap bilong ARB.



ELECTORAL COMMISSION Papua New Guinea



ENROL NAU

Ilektorel Komisin nau i wok long karimaut nupela Enrolmen Rejistresen bilong 2007 Nesanel lleksen bilong olgeta provins. Ilektorel Rol bilong 2002 mipela i lusim pinis. Em i min olsem mipela bai no inap yusim neks yia.

Yu bai Vot insait long 2007 Nesanel lleksen sapos nem bilong yu i STAP insait long ilektorel Rol

Sapos yu gat 18 krismas o moa long 18 krismas na nem bilong yu i **NO STAP** long ilektorel Roll, yu **MAS** go lukim Provinsel lleksen Menesa o Distrik Opis klostu long yu long stretim wanpela Enrolmen Fom pepa **NAU**.

Tingim!!! Dispela ekasesais i **NO** bilong **APDETIM** o stretim 2002 ilektorel rol. Em i wanpela nupela enrolmen progrem bilong wanpela **NUPELA ILEKTOREL ROL BILONG 2007**.

Sapos ilektorel Rol i stret, em bai givim strongpela bilip na tingting long olgeta manmeri olsem ol lleksen insait long PNG i Fri na i Stret.

TINGIM!!! ENROLMEN EM OLGETA MANMERI I MAS MEKIM na VOT BILONG YU EM I BIKPELA SAMTING

Tok Orait i kam long Ilektorel Komisina
ANDREW S. TRAWEN, MBE

Rumba lukautim SDA Sios bung

Aloysius Laukal i raitim

MOA long 400-pela memba bilong Seven De Etventis (SDA) sios insait long Sentrel Bogenvil i go holim kem na kibung bilong ol long Rumba SDA Misin hetkota klostu long Arawa.

Het tok bilong dispela kem kibung em 'Serim lav bilong Jisas'.

Ges spika na Seketeri bilong Helt bilong Papua Niugini Yunien Misin Gad Koito, i toktok long ol hevi bilong helt na soim wanpela vidio bilong HIV/AIDS we SDA Media Prodaksen i bin wokim.

Nem bilong dispela vidio ol i kolim 'O PAPA GOD WAI NA MI OLSEM'.

Ol pipel bilong Sentrel Bogenvil i givim narapela nem long em 'Tear Drops' o 'Aiwara'.

Seketeri bilong Bogenvil SDA Misin, Pasto Rex Memora i givim toktok long 'Child Abuse' o pasin long bagarapim pikinini. Dispela toktok i opim ai bilong ol papamama long ol samting ol i save mekim long bagarapim ol pikinini bilong ol.

Dispela kem i go inap long 5-pela de olgeta inap long pinis bilong mun Oktoba.

Ol i pinisim kibung wantaim baptismo long Wara Bovo long Arawa.

8-pela yut wantaim wanpela man i lek-nogat i bin kisim baptais long dispela taim.

Skulim pipel long lukautim gut graun

Veronica Hatutasi i raitim

WANBEL long helpim ol aspies pipel i lukautim graun na aweanes i go long ol komyuniti long dispela em ol bikpela wok we wanpela meri i wok wantaim wanpela Non Gavman Ogenaisesen (NGO) grup i luksave long en.

Tamana Tenehoe bilong Gogohe long Otonomes Rijen bilong Bogenvil i wok olsem Fainensel Menejeres wantaim Bismak Ramu Grup (BRG) em wanpela NGO i beis long Madang i tok.

BRG i bin statim wok long ya 2000 tasol pastaim, em bin stap aninit long Yunaitet Nesens Developmen Program.

Bikpela wok bilong BRG em long skulim ol pipel long lukautim graun na em i skruim dispela long karimaut ol wok aweanes insait long ol ples na komyuniti husat i singautim ol long go insait na mekim dispela wok.

BRG i save wok insait long ol komyuniti long Josephstall na Midel Ramu eria insait long Madang provins.

Mis Tenehoe i tok em na ogenaisesen bilong em i wok wantaim lewa long helpim pipel na i no long kisim mani tasol.

Em i tok ol trening em i kisim wantaim BRG i opim ai bilong em long luksave olsem yumi mas lukautim graun, bus na wara na yusim gut bikos sapos nogat, ol kain hevi bai kamap long pipel i stap nau na ol dispela i kam bihain long yumi.

Sampela ol trening we em i kisim long helpim em long wok bilong em wantaim BRG em long Lenonas trening, Pesenel Vaiabiliti Kos na Bisnis trening.

Mis Tenehoe em i wanpela long 8-pela pipel we tripela i meri, i wok wantaim BRG long helpim pipel i luksave na lukautim graun, wara na bus bilong ol long Madang provins.

Tokaut AIDS i autim nupela awenes vidio

Dania Namari i raitim

VOLANTIA Sevis Oganisesin (VSO) bai kamapim wanpela tri de patnasip kibung long Jais Aben long Madang provins na bungim ol patna bilong ol i kam long Westen Hailans, Is Sepik na Madang yet.

I gat tripela topik ol bai lukluk long em long dispela tripela de. Topik bilong de namba wan em "Awareness community Theatre - putting it in their hands", long de namba 2 em "Wok bung wantaim", na lo de namba 3 bai ol i lukluk long "Mainstreaming".

Long displa taim ol bai harim toktok i kam long Tokaut AIDS Awenes komyuniti Tieta (ACT) grup long ol rot ol i save yusim tieta long strongim gutpela pasin.

Ol bai glasim tu ol rot bilong lukluk klia na ol rot ol i ken yusim dispela rot bilong promotim na strongim ol gutpela pasin.

Namei long dispela kibung bai ol i lukim wanpla nupela vidio ol i kolim "Tokaut na tokstret".

Dispela vidio i soim wok ol tupela tieta grup Bismak Renj na Kunai Paia i wokim long ol Long de namba 2 ol patna bai serim save bilong ol na harim sampela toktok tu long ol kapasiti bilding inisitif long Is Sipik, Jimi na Raikos distrik na wok ol i wokim pinis wantaim ol komyuniti helt wokmanmeri, ol tisa na ol lida long bungim toktok kam bek long komyuniti.

Ol bai harim tu toktok i kam long ol distrik patna long tingting bilong ol sapos i gat bikpla senis i kamap long distrik level.

I bai gat wanpla presentasin bilong impotens bilong ol pipel husat i stap wantaim sik HIV na AIDS insait long ol program na plen bilong tokaut long developim na sapatim ol pipel husat i stap wantaim sik HIV/AIDS insait long Madang.

NGO bung long Madang glasim wok

Veronica Hatutasi i raitim

OL Non Gavman na voluntia ogenaisesen long PNG i laik strongim ol wok long daunim sik HIV/AIDS long PNG.

Olsem na ol Voluntia Sevis Ogenaisesen (VSO) long dispela wik i holim Patnasip Kibung long Jais Aben, Madang provins long glasim ol wok kamap ol i mekim insait long helt, edukesen na sosel eria insait long ol

komyuniti ol i wok long ol.

Bung i bin stat aste na bai pinis long tumora Fraide.

Long namba wan de, ol patna i bin lukluk long tieta olsem wanpela gutpela rot long kisim aweanes o toksave long sik AIDS na tu, promotim gutpela pasin i go long ol aspies komyuniti.

Ol bin lukim 30 minit video, "Tokaut na tokstret" we i soim wok bilong tupela tieta grup em Bismak Range na Kunai

Paia i karimaut wok aweanes long ol longwe rurel ples na komyuniti.

Wantaim het tok "Wok bung wantaim," long namba tu de bilong bung tude, ol patna bai harim ol NGO grup i wok long Is Sepik, Jimi na Raikos distrik i givim ripot bilong ol long ol wok ol i mekim wantaim ol komyuniti helt woklain, ol eduketa na ol lida na sapos ol dispela program i kamapim sampela

senis.

Ol bai toktok tu long kisim moa pipel i gat HIV/AIDS i wok insait long ol program bilong ol.

Long dispela, i gat plen long Tokaut AIDS Aweanes Komyuniti Tieta long developim na sapatim wanpela netwok long ol manmeri i stap wantaim AIDS insait long Madang.

shop early for Christmas

at **COURTS**

EM NIUPELA... BIKPELA KES JACPOT!

Olgeta tiket bai igo insait long dro - Em minim yu ken Winim long Jalai na gat sans long winim ken long mun Mas 2007.

Win-Tiket bilong Jacpot Win-man long wan wan Mun Dro, bai igo bek insait long baroi, long droim long mun bihain! So tingim, yu winim long Novemba or nogat, yu bai gat planti moe sans long winim long ol narapela Jacpot dro bai kamap long ol mun bihain.

WAKIM JACPOT!

Dispela mun... **Novemba**

JACPOT

K8,500

Stap insait long Winim!

or winim ol narapela kes prais long Spin Wil long Novemba!

Diposit K1.00

K20 Bipo Kes K529

Long Fotnait **K469**

Dinau K559

RITA #CJ0013 SH-145 2 Doa Kabod na mira

• rei bilong enga • self na kabod • isi long bungim

Diposit K1.00

K30 Kes Prais

Long Fotnait **K729**

Dinau K859

DASHA #DA0015 LH670

1 Teibol na 6pela sea

• metol freim • kusun sit

Diposit K1.00

K29 Kes Prais

Long Fotnait **K699**

Dinau K829

JOSHUA #BA4002 4.6 Bed Dabol bed freim

• blek metol freim • stil beis • isi long bungim

SPECIAL OFFERS!

• with 1 year warranty

ONE KINA DEPOSIT

• with 1 year warranty

FREE GIFTS

• with 1 year warranty

DOUBLE JACPOT ENTRIES

• with every K500 deposit

NOVEMBER JACPOT K8,500

HURRY!

DEPOSIT K1.00 Tasol

BUY NOW SAVE NOW

COURTS

Edim valu **OLGETA dell**

TRADING HOURS & CONTACT DETAILS PORT MORESBY: ☎ 325 5900 / Spring Garden Rd, Gordons / Open 7 Days: MON-WED & FRI - OPEN 8:00AM - 5:00PM / THUR - 8:30AM - 5:00PM / SAT, 8:00AM - 1:00PM / SUN, 9:00AM - 1:00PM
 LAE: ☎ 472 4800 / Millfordhaven Road, Lae, Morobe / Open 6 Days: MON-FRI - OPEN 8:00AM - 5:00PM / SAT - 8:00AM - 1:00PM / SUNDAYS CLOSED

IMPORTANT: Courts Ready Finance is now available for you to apply! Call into our stores for more information on the terms & conditions. Enter K1.00 DEPOSIT is subject to Terms & Conditions. See us for details on this loan. *Offer by PNG. *Final shown on the product is subject to change at any one time without notice. We reserve the right to correct errors and omissions. Product shown was available at the time of press printing. Some items may not be available in other Courts stores. Free Gifts are subject to availability. Promotion Ends Soon.

NCDC nogat strong long stretim setelmen hevi

Dania Namari
i raitim

"SALIM tumbuna graun bilong yu o haus bilong famili bilong yu long amamas bilong liklik taim tasol em i olsem yu salim yu yet," Sedo Minista bilong Difens na Intenel Sekyuriti na Memba bilong Wewak Kimson Kare i tok.

Dispela kros pait we i bin kamap namel long ol ples lain bilong Baruni na ol Goilala setelmen lain em bikos siti atoriti i strong long bosim graun insait long provins.

Long taim bilong independens i kam inap nau ol pipel bilong Motu Koitabu i no save mekim wanpela samting taim ol pipel bilong arapela ples i save kam na mekim save

long wanem kain tumbuna graun i stap nating insait long NCD.

"Mi pret olsem kros pait namel long dispela tupela grup bai i go het yet na bai bungim tu ol narapela ples grup tu sapos siti atoriti i no mekim wanpela samting hariap," Mista Kare i tok.

Em Tok Nesenel Kapitil Distrik Komisen i mas lukluk long dispela pasin bilong kamapim haus nating long tumbuna graun bilong ol Motu Koitabu na traim long stretim dispela hevi.

Siti Hol i bos long NCD tasol ol i wok long pasim ai long ol samting i wok long kamap nambaut long siti.

Dispela kros pait namel long ol Goilala na Baruni em wanpela sain i go long siti hol

na gavman olsem ol papa graun bilong NCD i no inap long stap isi moa. Ol i pilim inap pinis long ol man i kam stap nating long graun bilong ol.

Mista Kare i putim tok go aut long gavman long lukluk gen long Eben Setelmen polisi we i stap nau na painim sampla rot long abrusim kain pait olsem namel long ol lain i lusim ples na kam long siti.

Mista Kare i tok tu olsem hevi i stap wantaim ol Motu Koitabu ol yet long ol i save salim hap hap graun bilong ol long liklik mani tasol. Ol i no save tingim olsem ol i ken lusim graun bilong ol long kain pasin olsem.

Skaut i go ovasis



I GO PAS: John Lakani i skin kirap long go long dispela kos.

Andrew Molen i raitim

SKAUT asosiesen bilong Papua Niugini i laik skulim ol yangpela long kamap gutpela lida bihainim taim.

Long dispela program ol i save salim ol sinia Skaut bilong ol i go ovasis long kisim trening bilong kamap gutpela lida na dispela

yia bai wanpela i go ken.

John Lakani, Patrol lida bilong Pot Mosbi Skaut Asosiesen (PMSA) husat i gat 21 krismas em ol i makim long go kisim trening dispela yia.

Mista Lakani bai lusim kantri na go long Taipei long Taiwan long kisim dispela kos ol i kolim "Troop Rovers Scout Unit and

Leadership."

"Esia Pasifik opis bilong mipela long Manila i baim rot bilong em. Nau yet mipela i salim wanpela tasol, bihain mipela bai amamas sapos mipela i ken salim planti liklik," Sief Komsina bilong PNGSA, Sere Kala i tok.

Em i tok dispela kos em i gutpela bilong wanem em bai skulim ol Skaut long wok lidasip we ol i ken i go na skulim ol arapela long ples bilong ol.


"Taim em i kam bek bai em i gat ekspirians long ol samting em i lainim ovasis na i ken helpim long skulim ol arapela," Mista Kala i tok.

Mista Lakani i tok em i amamas long go long dispela kos we bai ron i wanpela wik bilong wanem em i namba wan taim bilong em long go ovasis long kain samting.


"Mi go long planti kos bilong Skaut insait long PNG tasol em i fes taim bilong mi long i go ovasis," Mista Lakani tok.

Mista Kala i tok ol i makim Mista Lakani namel long ol arapela lida bihainim gutpela wok na rekot bilong em.

Dispela trening kos i save kamap olgeta yia long wanwan kantri insait long Esia Pasifik rijen we het opis bilong ol long Manila i save ronim.



Australian Government
AusAID



DEPARTMENT OF NATIONAL PLANNING AND MONITORING

Bikpela Toksave bilong Australia- PNG Incentive Fund

OL i kirapim Australia PNG Incentive Fund (APNGIF) long mun Julai 2000 olsem rot bilong putim mani long sapatim wok bilong gavman, praivet na non gavman ogenaisesen (NGO) insait long PNG, bilong helpim wantaim wok developmen bilong PNG, bihainim ol developmen polisi na ol bikpela samting we ol gavman bilong PNG na Australia i laik lukim i kamap. I kam inap nau, AusAID i givim moa long K250 milien bilong karimaut 30-pela projek long moa long 15-pela provins insait long PNG.

Wanpela bikpela tok bung i bin kamap namel long ol mausman bilong Australia na PNG long mun Epril, 2006. Insait long dispela tok bung, ol i bin tok oraitim nupela Developmen Koporesen Strateji we i bin lukim tu pinis bilong wok nau APNGIF i mekim na wanbel olsem wok glasim i mas go insait long APNGIF long lukim olsem em inapim ol samting we gavman bilong Australia na PNG i laikim bihainim aninit long nupela Strateji. Kam bek bilong ol em:

- Bipo long wok glasim na ripot i kam aut, olgeta proposel ol i bin redim pastaim, na nau yet i stap wantaim APNGIF em ol bai lusim olgeta na i no inap go het aninit long APNGIF moa.
 - Ol bai ino inap long kisim ol nupela proposel o konsep pepa.
 - Bihainim miting bilong Menesmen Grup (MG) long mun Julai 31, 2006, MG bai i no ken tok orait moa ol nupela proposel ol i wokim pinis.
- Wok glasim yet bai tok aut stret long wanem kain Insentiv Fand bilong bihain taim Australia inap halivim PNG wantaim.
- Ol projek we ol i tok orait pinis em ol bai go het na pinisim aninit long menesmen na lukaut i stap nau.

AusAID na Dipatmen bilong Nesenel Plening & Monitaring i laik tok tenkyu long ol ogenaisesen i bin wok wantaim APNGIF long kirapim PNG na sapatim Aid Program bilong Australia.

Toksave: Ogenaisesen yet bai baim ol kos bilong redim ol fanding proposel aninit long APNGIF.

Ol nes i graduet long HIV/AIDS woksop

Foto: Salome Vincent

WINIM SKUL: Din bilong Fekalti bilong Medikel Skul, Dokta Isi Kevau i givim setifiket long wanpela sumatin husat i bin sindaun long dispela HIV/AIDS woksop.

Dania Namari
na
Salome Vincent i raitim

FOPELA ten (40) Besela ov Nesing sumatin i graduet bihain long ol i sindaun long wanpela woksop long HIV/AIDS bilong ol long skul bilong dokta na nes.

Ol dispela 10-pela man na tripela ten (30) meri i kisim setifiket bihain long ol i wokim wanpela 3-wik woksop long HIV/AIDS.

Man i go pas long karimaut dispela woksop, Chris Korai i tok long nambawan wik ol i wokim introdaksen bilong HIV/AIDS. Ol i lukluk long ol samting we i no wankain namel long HIV na AIDS na rot bilong givim gutpela toksave long ol manmeri i laikim helpim bilong ol nes. Namba tu wik ol i lukluk long Ke na Kaunseling. Long dispela ol i lainim moa long we bilong lukautim na givim skul long ol manmeri i laikim helpim na long namba tri wik ol i wokim Volantia Kaunseling na testing bilong HIV/AIDS.

Long ripot bilong ol manmeri i wokim dispela woksop, ol i tok maski ol i save manmeri bilong helt, i gat planti samting bilong HIV/AIDS i stap we ol i no save gut tumas insait long dispela pait agensim HIV/AIDS.

Ol i tok i mas gat wankain woksop olsem bilong ol arapela wok manmeri bilong helt insait long kantri long bihain taim.

Ges spika long dispela graduesen, Dokta Isi Kevau i givim sapat long dispela na tok nau long dispela taim planti ol senis i wok long kamap long ol sik insait long kantri na long wol na long dispela tasol, ol wok manmeri bilong helt i mas oltaim kisim nupela save long ol rot we ol i ken pait agensim ol dispela nupela sik.

Em i tok dispela woksop i givim bikpela salens long ol nes na tu bai helpim ol long bungim dispela ol salens long wok bilong ol.

Olgeta manmeri husat i graduet i makim 19-pela provins bilong PNG na tu bilong kantri Solomon Ailan long wanem ol i gat ol sumatin bilong dispela kantri i skul wantaim long dispela besela program.

Namba tu Rijinel Reitins Konprens kamap long Goroka

James Kila i raitim

NAMBA TU Rijinel Reitins Konprens bilong ol praimer na sekenderi skul tisa bilong Hailans rijen nau i kamap long Kefamo Konprens Senta long Goroka, Isten Hailans provins.

Dispela konprens i stat long Mande long dispela wik na bai pinis long Fraide.

Ol provinsel edukesen etvaisa bilong olgeta provins long Hailans rijen em Isten Hailans, Simbu, Enga, Sauten na Westen Hailans wantaim ol sinia praimer na sekenderi skul inspekta i bung long dispela bikpela konprens long makim reitin bilong ol tisa insait long rijen.

Provinsel Etministreta bilong Isten Hailans, Munare Uyassi i bin opim dispela konprens long Mande. Mista Uyassi long taim em i givim tok welkam long olgeta lain husat i kam long ol narapela Hailans provins na tu ol lain bilong edukesen bilong hetkwata long Mosbi i givim salens olsem ol skul inspekta i mas kamapim gutpela reitins o mak o stendet long ol tisa. Ol i mas noken wansait olsem ol tisa i wantok bilong ol o poroman bilong ol.

Mista Uyassi i tok aut tu olsem ol

lain long stendet i mas putim bikpela mak we ol tisa na sumatin i mas bihainim long gutpela edukesen system bilong kantri long nau na bihain taim.

Narapela bikman husat i givim tok tok Dokta Sinebare i tok olsem ol inspekta bilong ol skul insait long ol Hailans provins i mas stap olsem gutpela rol medel o piksa long ol tisa na sumatin.

"Ol inspekta i mas soim gutpela pasin na mekim gutpela ol stendet em ol tisa i mas bihainim," Dokta Sinebare i tok.

Rijinel sekreteri bilong PNG Tisa Asosiesen long Hailans rijen, Peter Wama i tok olsem wok bilong ol tisa na inspekta em long kamap wantaim gutpela kwaliti stendet we i ken helpim ol sumatin na tisa wantaim.

Mista Wama i tok tu olsem ol provinsel gavaman i mas givim gutpela sapot i go long ol.

Em i tok planti taim ol inspekta i save gat hevi long sait bilong ol trenspot. Olsem na em i moabeta, ol provinsel gavman i mas baim motobak na hos na ol i ken raun na sekim ol tisa bilong ol skul.

Ol stilman yusim kar long stilim kopi long fektori

James Kila i raitim

SAMPELA ol raskel man i yusim ol fektori gan na holim pas ol sekyuriti gad na taitim ol long rop na go insait long wanpela kopi fektori long Goroka na stilim kopi.

Ol dispela raskel lain bihain i yusim wanpela kar na draiv i go insait long fektori na stilim ol kopi bek na sampela ol opis masin olsem kompyuta. Dispela birua i bin kamap long las wik Fonde long bikmoning tru taim pawa blekaut i bin kamap. Ol raskel i bin katim waia na tu ol i

bin brukim lok bilong Kongo Kopi long Goroka.

Wanpela praiwet sekyuriti gat husat i save wok wantaim Kopi Industri Koporesen (CIC) husat ol raskel i bin pasin em wantaim rop i tokim Wantok Niuspepa olsem long bikmoning tru las wik fonde, ol i bin ai slip long dispela taim taim samting olsem 10-pela raskol man husat i karim ol strongpela gan i kalapim waia banis na i go insait long soim gan long ol na yusim gan long patim na bihain ol i kisim waia na taitim lek han bilong ol na tokim ol long slip arere long bus.

Dispela sekyuriti gat i tok taim ol i taitim ol pinis ol i putim sampela laplap long maus bilong ol long ol i bai i no inap singaut na bihain ol i pasin ai bilong ol long ol i noken lukiuk.

"Mipela i no bin gat sans long singaut na lukluk, tasol mipela i harim bikos iau bilong mipela i op na mipela i harim ol i go na mekim save long narapela sekyuriti gat bilong Kuima Sekyuriti husat i was long fektori bilong Kongo Kopi," Sekyuriti gat i tok.

Em i tokaut tu olsem taim ol i silip long liklik bus i stap ol i harim wanpela kar tasol ol i no

save olsem em i go insait long fektori.

Em i tok ol i bin stap i go inap ol lain bilong Gad Dog Sekyuriti i bin sekim gat bilong ol na i bin draiv i go daun na painim ol slip long bus wantaim em long sait bilong banis.

Polis ripot bihain i tokaut olsem wanpela ai witness husat em wanpela praiwet gat bilong CIC i lukim wanpela grinpela kar na tokim ol lain bilong Kongo Kopi na Kuima Sekyuriti wantaim Gad Dog na ol i painim i go na sampela aua bihain ol i painim kar.

Ol inspekta mas soim gutpela stendat

James Kila i raitim

OLGETA skul inspekta long Papua Niugini i mas setim gutpela stendat long ol tisa insait long kantri na gutpela edukesen i ken go long ol sumatin bilong kantri.

Provinsel Etministreta bilong Isten Hailans, Munare Uyassi i bin givim dispela bikpela salens taim em i bin opim namba tu Hailans Rijinel Reitin Konprens long Goroka long Mande.

Mista Uyassi i tok, "Reitins em i wanpela bikpela samting tru we bai soim olsem ol tisa i muv i go antap o i muv i go daun. Ol bai kisim promosen o nogat. Bikos reitin em bai skelim tru wok bilong ol."

Mista Uyassi i tok ol skul inspekta i mas soim bikpela na gutpela kwaliti stendet. Em i tok reitin bilong ol tisa long praimer na sekenderi skul em wanpela ol Pefomens Apresel we i save kamap long human risos divisen bilong publik sevis.

Tasol em i tok sampela ol inspekta i save les na i save helpim ol poroman o wantok bilong ol na givim ol gutpela reitin o mak long ol.

"Taim yu givim mak nating na i no tru long wok dispela poroman o wantok i mekim, em yu no helpim em," Mista Uyassi i tok.

Mista Uyassi i tok long taim bilong koloniel, ol tisa i save

mekim gutpela wok tru taim ol inspekta raun i go lukim ol.

"Long dispela taim mipela i save kisim ol gutpela skul tru. Tasol bihain taim ol inspekta i go pinis ol tisa i no save givim wanpela olsem."

Em i tok, ol skul inspekta i mas wok strong na noken isi long ol tisa husat i no mekim gut wok.

Ol inspekta i mas noken lukluk tasol long ol stendat plen, ol i mas lukluk long gutpela bilong ol skul eria na tu ol samting i stap insait long skul.

Dispela bai helpim skul na ol pikinini i ken kisim gutpela edukesen long gutpela sindaun bilong ol long bihain taim.

Wok painimaut i go het long Sauten Hailans

Timon Henry i raitim

POLIS nau i mekim wok painimaut long ol publik mani we i bin lus insait long Sauten Hailans Provinsel Etministresen.

Dispela operesen aninit long Stet ov Imejensi (SoE) i bin holim pasim 7-pela man husat i bin paulim moa long 1.19 milien kina, bihainim ol sampela ripot olsem planti bilong ol em ol sinia eksekutiv bilong provinsel gavman.

Polis Frot Skwat na Anti

Korapsen yunit long Mendi i tok olsem wok painimaut bai go het inap ol i painim ol na sasim ol na kalabusim ol. Man husat i go pas long Frot Skwat wok painimaut, Inspekta Timothy Gitua i tok moa namba bilong ol bai i go antap bikos wok painimaut i wok long go het long sait bilong mani we i bin lus long provins. Insait long dispela painimaut ol frot skwat i bin holim sampela ol sinia eksekutiv opisa olsem deputi gavana, Hapon Yeki, Wambi Nondi na bipo deputi etministre-

ta, Mendi Sentrel, Tol Lol long sampela mun i go pinis na ol i wetim kot i stap.

Ol ripot i kam long Wantok Niuspepa olsem planti ol publik sevan insait long Sauten Hailans i wok long ron nating na kisim pe bilong ol gavman nating. Ripot i tok planti bilong ol tisa husat i stap long Pot Mosbi, Hagen na Lae askim ol SoE sekyuriti fos long holim ol na sasim ol tu bikos ol i tu i brukim lo na mekim save long ol.

BRAND NEW


TOYOTA HIACE

15 SEATER LWB SPECIAL PRICE

K58,900

DRIVE AWAY

- ✓ 3.0 litre Diesel engine
- ✓ 5 Speed Manual transmission
- ✓ LWB 15 seater
- ✓ AM/FM Radio Cassette with CD Player
- ✓ Power Steering
- ✓ Stability & Comfort
- ✓ Easy walk through to the backseat
- ✓ Narrow Windows for added safety
- ✓ Panel mounted Gearshift



Now available for immediate delivery nationwide

Ela Motors

TOYOTA

Your First Choice

CALL YOUR LOCAL BRANCH TODAY

Port Moresby.. Ph 3229400	Goroka..... Ph 7321844	Wewak.... Ph 8562255
Lae Ph 4781800	Mt. Hagen.. Ph 5421888	Vanimo... Ph 8571254
Kokopo..... Ph 9829100	Kimbe..... Ph 9835155	Tabubil... Ph 5489060
Madang..... Ph 8522188	Lihir..... Ph 9864099	Porgera.. Ph 5479367
Kavieng..... Ph 9842788	Buka..... Ph 9739915	Alotau.... Ph 6410100

www.elamotors.com.pg

Freight is extra

Quality Endorsed Company



Ol rijen holim bung long makim ol tisa

DIPATMEN bilong Edukesen i holim wanpela rijinel reitings konprens long glasim na skelim ol ripot bilong ol tisa insait long praimer, sekonderi na elementeri skul long dispela wik.

Dispela konprens bai lukluk long wok bilong ol tisa long dispela yia, na tu bai soim sapos ol tisa i ken kisim promosen na entaitelmen awot.

Ol inspekta i gat bikpela wok long mekim long

...Glasim na givim promosen

strongim kwaliti na standat insait long edukesen long wei bilong givim gutpela toktok na sapos i go long ol skul na ol tisa tru long wei bilong kamapim ol kos na givim ol inspeksen ripot.

Wok bilong ol inspekta tu em long strongim wok na go pas wantaim profesenel stended o mekim gut wok tisa na lukautim skul.

Rijinel Reiting o glasim wok bilong tisa Konprens bilong Sauten na Momase rijen i bin pinis long las Fraide. Na bilong Hailans na Niugini Ailans i kamap long dispela wik long long Goroka na Otonomes Bogenvil rijen long dispela wik.

Wok bilong dispela konprens em long bungim wan-

taim moa long 4,000 inspeksen ripot bilong ol tisa long wanwan provins, we bai ol i reitim o makim insait long wanpela wik.

Dispela yia i makim olsem namba tu yia nau we dispela ol konprens ol i holim long rijinel level bilong ol praimer na sekonderi skul inspekta konprens. Pastaim ol i save

holim olsem nesanel reitings.

Seketeri bilong Edukesen Dokta Joseph Pagelio i tok em i amamas long wok bilong ol skul inspekta, na tu long ol dispela husat i save wok we i nogat gutpela kondisen long helpim na givim gutpela toktok long ol skul na ol tisa long wok gut long givim gutpela edukesen.

Long wankain taim, moa long 20 manmeri i kam long ol 5-pela NGI i sindaun long

rijinel bung bilong ol. i kamap long Hutjena Sekonderi Skul long Buka na bai pinis tumora.

Ol sumatin bilong Hutjena Sekonderi Skul wantaim ol bikman bilong Edukesen Divisen long Bogenvil i bin welkamim ol.

Deputi Seketeri bilong Nesanel Dipatmen Damien Rapese i go pas long dispela tim bilong ol Edukesen Divisen Inspekta na ol Menesa bilong NGI Rijen.

UPNG sumatin sindaun long lidasip kos

GUTPELA lida i mas gat yau long harim na mekim gut samting tasol long wankain taim, glasim gut kain lida yu lain kamap na yusim ol gutpela tum-buna pasin olsem stia, Vais Sansela long Yunivesiti ov PNG (UPNG), Profesa Ross Hynes i tok.

Profesa Hynes i bin wokim dispela toktok long greduesen bilong 23 sumatin lida long UPNG las wik.

Ol dispela sumatin lida i bin kisim ol lidasip trening aninit long Studen Sevis seksen

bilong UPNG we i bin givim skul long bildim gutpela pasin, famili velyu, lidasip koud o lo, braiberi, korapsen na long kamap gutpela sumatin lida.

Em bin tokim ol sumatin olsem tru, ol bai bungim ol kain kain hevi tasol ol i mas noken les o tok maski mi inap.

"Yupela i mas painim sampela rot long stre-tim hevi, moa yet long kain stap sosaiti olsem long PNG we i gat ol kain kain wanpisa," Profesa Hynes i bin tokim ol sumatin lida.

Eking Vais Sansela Profesa Kenneth Sumbuk i tokim ol sumatin olsem PNG i wanpela kantri we planti mak bilong ol lida i wetim kot i stap.

Na em bin tok UPNG i save skulim ol sumatin long kisim gutpela save long akademik sait na tu, long promotim sosel sait long kamap ol gutpela lida long bihain taim.

Ol sumatin i bin kisim ol Setifiket long greduesen de bihain long sindaun long dispela kos.

SIPOM helpim ol mama na bebi long Mosbi Jenerel

SAMPELA mama na bebi long Pot Mosbi Jenerel Hus Sk Mateniti Wod i bin kisim helpim long Soroptomis Intenesenel Pot Mosbi (SIPOM) brens las wik.


Ol nupela bebi na ol mama i bin kisim ol wan wan bek we ol SIPOM i bin pulapim wantaim steifri, nepi, bebi pouda, bebi sop na ol arapela samting moa long bebi i yusim.

SIPOM i bin kirapim opis na wok long Mosbi long las yia Novemba na ol i givim pinis sampela helpim i go long ol mama na pikinini insait long Leba Wod bilong Pot Mosbi Jenerel Haus sik.

Ol SIPOM i save wok wantaim ol nes long Leba Wod long luksave long ol mama i sot long ol samting na wokim ol pasel bilong ol presen na givim ol.



SIPOM GIVIM: Jenny Agarobe na Edith Konigala i sanap wantaim nupela mama, Caroline Mathew wantaim nupela bebi bilong em.



WARI: Ramu Nikel kampani i kirapim maining operesen bilong em long dispela wik. Tasol planti ples lain i wari long bagarap we main bai kamapim long wara, busgraun na laip bilong ol. Hia em ol sumatin bilong Bulivar Praimeri skul long Lowa Ramu i wari long Wara Ramu em i laipblut bilong ol bai bagarap.

Australia kirapim Pasifik Teknikel skul

...Tromoim klostu \$50 milien long sanapim

OL yangpela pipel bilong ol Pasifik kantri i karamapim tu PNG bai kisim helpim long skruim edukesen bilong ol long teknikel sait i kam long Australia.

Praim Minista bilong Australia John Howard i bin tokaut long dispela insait long bung bilong ol Pasifik Ailan kantri i bin kamap long Suva, Fiji las wik.

Mista Howard i tok Australia bai katim \$149.50 milien long sanapim nupela Australia Pasifik Teknikel Kolis (APTC) long Suva, Fiji.

Taim hetkota i stap long Fiji, bai i gat ol trening senta na opis long Fiji, PNG, Samoa na Vanuatu.

Bai i gat skolasip skim long manimak olsem \$10 milien long 4-pela yia pastaim.

Skul bai op long neks yia Julai.

Ol sumatin bai kisim ol kos long Hospitaliti na Turisim, Helt na Komyuniti Sevis, Mekanik, Kapenta, Konstraksen na Ilektrikel.

Ol trening ogenaisesen bilong Australia aninit long kontrak bilong AusAID bai givim skul long APTC.

Cambridge
International College
ACCREDITED TRAINING
FOR YOUR CAREER SUCCESS

Diplomas, Advanced, Honours, Graduate

- Accounts, Finance, Business, Management
- Personnel, Marketing, Computers, Insurance
- English, Purchasing, Secretary, Leadership
- Tourism, Hotels, Stores, Advertising, Office

Baccalaureate, BBA, BCom, BMA, MBA

- Business Administration, Marketing, Strategy
- Human Resource, Finance, Commerce
- Organizational Management, Executive

Fees include all Training Materials, Guidance, Tests, Revision, Examination, Marking, Award.
Diploma Fees: £150 or US\$300 or AUS\$350
For a FREE Prospectus, write, fax, or email:

CAMBRIDGE
INTERNATIONAL COLLEGE
Box 1378, So'ton, SO17 3WX, Britain
Email: info@cambridgegetraining.com
Web: www.cambridgecollege.co.uk



Tenkyu, Wari Vele

Dia Edita
 Mi wanpela man husat i save stap long Pot Mosbi Not Wes ilektoret. Mi laik tok bikpela tenkyu i go long gavana bilong NCD Wari Vele long em i bin mekim rait muv long rausim ol stil manmeri insait long siti hol.
 Toksave i go long yupela ol fopela stil manmeri. Noken strongim kona long stap yet insait long siti hol. Harim tok bilong Wari Vele na kam

ausait long siti hol.
 Yupela sampela i no mekim wok bilong yupela insait long 10-pela krismas. Ol haus sik pas, rot bagarap, olgeta manmeri insait long ilektoret bilong yu i kisim bikpela bagarap. Olsem na yu tu bai yu kisim bikpela bagarap long 2007 jenerel ileksen.

**TOKSELINIE
 POSYET
 NCD**

Painim pikinini man bilong mi

Dia Edita
 Mi bin lus kontek wantaim pikinini man bilong mi, Peter Manu Evi husat i bin go wantaim wanpela man, Allan Ofoi long Buka long ailan Bogenvil long mun Novemba, 2003.
 Em i gat 31 krismas nau na em i bilong Rarai viles insait long Kairuku distrik.

mas toksave long mi hariap olsem em i orait.
 Mi laik askim ol manmeri husat i save long em o sapos ol i lukim em long wanpela hap long toksave long mi long telepon namba, 325 5545 o rait i kam long mi long etres, P.O Box 1919, Boroko long hia tasol long NCD.

**ALOYSIUS EVI
 LAOVA
 POT MOSBI**

Wanem Baibel i tok long ol meri bai kamap pasto?

Dia Edita
 Mi laik tok amamas na sapotim ol toktok bilong wanpela brata long Lorengau, Manus provins long toktok i kamap long *Wantok Niuspepa* bilong yumi PNG.

Dispela stori i bin kamap long det, 19/10/06 long we brata i bin toktok long wanem samting i bin kamap long Lae siti. Tru bilong wanem na ol man i wok long senisim tok bilong God bilong God long Israel. Baibel i no bin tok long wanpela toktok we i stori olsem ol meri i ken kamap pasto.
 Yupela ol meri bilong ol sios i save kisim ol

wok bilong man na kamap pasto. Yu save mekim long laik bilong yu o ol man long sios i save makim yu.

Long buk Metyu 5:18 i toktok long tok bilong God bai i no inap lus nating, tasol yupela ol meri i mekim na tok bilong God i lus nating.

Mi yet mi bin lukim tu long ai bilong mi olsem ol meri i bung long Okati memba na mi bin pret tu bikos ol meri i no kam olsem ol lotu meri.

Ol i kamap wantaim longpela trausis bilong ol man na putim giaman gras long het bilong ol. Long ves 9 tu i toktok long dispela.

Na mi sori stret long

ol narapela meri we i kam long ples na raun wantaim ol meri long siti. Ol i stap nabaut na tu ol i hangre. Mi no ting ol i go bek wantaim gutpela bel amamas long ples.

Brata mi yet mi lukim long ai bilong mi long wanem samting yu toktok long en na bai ol i lus nating long tok bilong God. Bikos long 1 Timoti 12:9-15 i toktok long ol i bai kot na jasim ol dispela meri wantaim ol dispela ol meri. Ol i no stret wantaim buk Baibel.

**JON K B
 LAE
 MOROBE PROVINS**



Sik HIV/AIDS bai pinis olsem wanem

Dia Edita
 LONG dispela tingting bilong mi, mi laik toktok long luksave bilong mi i go long ol manmeri i ken save.
 Gavman i wok hat stret long pinisim dispela sik na givim mani i go long ol ogenaisesen long traim long pinisim dispela sik o daunim namba bilong em.
 Tasol sik i wok long go bikpela na gavman i win sot pinis. Yupela i laik save long wai na sik i no wok long pinis? Em bikos pamuk pasin i stap yet. Mani ol man i wok long givim long ol meri i wok long go antap olsem na sik i wok long go bikpela. Planti moa meri wok long go insait long mekim pamuk pasin bikos mani i winim potnait pe bilong ol man husat i wok. Mani ol kisim i wande wok tasol na ol i ken mekim moa long kisim moa mani. Em long

dispela olsem na em i wok long go antap moa.
 Mi laik soim wanpela tok piksa olsem.
 Sapos man i katim gras long naip o katim diwai wantaim tamiok na em i katim em yet na blut i kapsait. Yu ting tamiok na busnaip bai stretim em gen? Nogat tru. Ol i mas go tru long dokta na dokta bai stretim em.
 Mi laikim bai gavman i mas lukluk long ol sios long wok ol i save mekim na wok bung wantaim ol long pre na strongim kristen laip bilong ol long God i ken oraitim ol long dispela sik nogut.
 Maski long westim mani nating long ol wok we i no wok long pinisim dispela sik ol i kolim HIV/AIDS.

**KONSEN MAN
 NCD**

Givim sapot long ol pikinini bilong yumi

Dia Edita
 OLGETA via yumi save gat planti ol sumatin i greduet. Na planti bilong ol i no save kisim ol spes long ol institusen olsem yunivesiti, koles, na ol narapela skul long strongim save bilong ol long mekim gut ol wok long bihain taim.
 Bikpela wari bilong mi olsem wanpela mama em long ol turangu pikinini bilong yumi bai kisim bikpela hevi long bihain taim. Planti ol ogenaisesen bai nogat wok long givim long ol o planti bilong ol bai traim long resis long kisim wok long halivim ol.
 I gat wanem kain samting long yumi ol mama na papa i ken mekim long helpim ol long sindaun bilong ol. Bai i gat sampela we long stretim o nogat.
 Long tingting bilong mi yet, mi laikim bai ol i mas wok strong long skul wok bilong ol na long taim ol pinis long skul, ol i ken go aut long ol liklik ples bilong ol na statim ol liklik ol samting olsem mekim

gaden na salim long maket long statim bisnis bilong yu yet. O yu ken askim papa mama bilong yu long halivim yu long liklik mani long baim karkai na salim long ol ples lain i ken baim. Long dispela yu i ken mekim kamap bikpela bisnis bilong yu. I gat planti we long yu i ken yusim save bilong yu sapos yu no kisim wanpela spes long wanpela koles o yunivesiti.
 Dispela em wanpela tingting bilong mi tasol. Maski sapos yu tromoi bikpela mani long skul fi bilong ol skul pikinini i no rong bilong ol long bungim hevi.
 Sapos yu wanpela man husat i gat wanpela kain samting long mekim long halivim ol, plis rait i kam tasol na mipela ol narapela i ken lukim na bungim tingting.

**KONSEN MAMA
 POT MOSBI**

Rot long siti i bagarap

Dia Edita
 Mi laik autim wari bilong mi i go long ol manmeri bilong Lae siti olsem dispela bikpela namba tu siti bilong kantri i gat planti ol pot hol. Ol i luk olsem ol bikpela baret long ol maunten ples.
 Dispela em i wok bilong Bart Philemon na em i wok long pasim mani bilong gavman i stap. Wok bilong ol memba em i wanem samting stret.

Mi bin draiv i kam long hap bilong Bart Philemon na truru dispela hap rot em i bagarap olgeta na tu ol manmeri husat i wok long wokabaut long go kisim bas long dispela hap i save wokabaut olsem 10 kilomita samting.
 Siti em bilong pablik na planti samting i save kamap lon siti olsem Morobe So na ol arapela gutpela samting. Bai yupela ol pipol bilong Butibam bai votim em gen long neks ileksen o nogat?

Sapos i bin long narapela hap olsem long hailans bai ol i rausim ol kain memba olsem em. Yupela ol pipol long Butibam i mas skelim na stretim. Yupela i lukim pinis long kondisen bilong rot pinis na ol arapela sevis. Yupela i mas lukim wanpela man we i save mekim gut wok bilong em na i save wari tru long ol pipol bilong em.
 Makim papa bilong provins stret i no bilong narapela hap.
 Kain man olsem Utula Samana. Mi lukim long Niuspepa olsem em bai sanap long Lae Open. Mi lukim planti han mak bilong em hia long provins na kantri wantaim. Em wanpela man we em i save tingting long ol pipol bilong em na ol narapela em i no save tingim em yet.


Tenkyu long yu ritim dispela pas bilong mi.

**DANIEL APU
 BUTIBAM
 LAE**

Ol pipel i mas was gut long ol stil man insait long kantri

Dia Edita
 Mi laik autim dispela konsen bilong mi i go long ol manmeri bilong PNG olsem long kain taim olsem planti samting i save kamap na planti samting i save lus tu.
 Em i taim bilong ol raskel o stil man long mekim wok bilong ol long stil long ol narapela.
 Yumi mas ai op na raun long wanem hap yumi go na yumi mas noken raun nating nating. Taim bilong stil na o arapela pasin nogut i save brigim bagarap long laip bilong ol pipol. Olsem na yupela olgeta man na meri i mas was gut long we yu go raun na long haus yu mas noken slip i dai.
 Sapos yu was gut long dispela bai yu no inap long bungim hevi na krismas bilong yu bai gutpela na bai amamas gut tru wantaim famili na ol wantok bilong yu.
 Toktok mi mekim em long ol gutpela pipol bilong yumi long kantri na mi laikim olgeta i mas bihainim. Lukautim ol pikinini bilong yu na noken larim ol lus nating.
 Tenkyu tru.

**ABIGAIL TORA
 WAIGANI
 NCD**



Yu laik autim tingting bilong yu -
 Salim wanpela pas i kam long Edita long:

Ol Pas i go long Edita
 P. O. Box 1982 BOROKO NCD


Sapos yu save long email, yu ken salim pas bilong yu i kam long:
editorial@wantok.com.pg

Yu mas raitim tru tru nem, telepon namba na pos opis boks bilong yu. Sapos nogat, mipela i no inap putim pas bilong yu insait long pepa.

Wantok i gat rait long katim o stretim ol pas bai em i bihainim olgeta lo bilong niuspepa.



HANGAMAP:
Intanesenel kot i autim mekimsave bilong em long bipo presiden bilong Irak, Saddam Hussein. Dispela wik ol i tokaut olsem Saddam bai kisim det penalti we ol bai hangmapim em inap em i dai. Taim kot i bin givim mekimsave long Saddam, em i bin singaut "God em i bikpelal" (AP Foto/Scott Nelson)



BELHAT: Ol dispela lain pipel bilong Irak em ol sapota bilong Saddam Hussein. Ol i no wanbel long kot i givim det penalti long bipo lida bilong ol. (AP foto/Bassem Daham)

I luk olsem Marxist Presiden bilong Nikaragua i winim ileksen

OLPELA Marxis revoluseneri Presiden, Daniel Ortega i wok long go pas long presidensel ileksen na bai em i win long Nikaragua.

Niusman bilong Radio Australia long Not Amerika, Michael Rowland i ripot olsem win bilong Mista Ortega i wok long kamapim bikpela wari i go long gavman bilong Amerika long Washington.

Long kandim bilong vot, long stat, Daniel Ortega i winim pinis klostu 40 pesen long ol vot na em i wok long go pas gut long namba tu salensa bilong em.

Bush etministresen i bin tokim ol pipel oa vota bilong ol pipel

bilong Nikaragua long noken vot long Mista Ortega.

Long 1980s, Sandanista gavman bilong Mista Oretga i bin save mekim ol Contra rebel em Amerika i bin save fandim ol, i kros, na belhat taim ol i bin wok long traim sampela taim long rausim dispela Marxist lida, tasol ol i no bin nap long rausim em.

Amerika oa Yunaitet Stets i sakim ol toktok em i wok long suvim het long dispela presidensel ileksen tasol em i tok pinis em i nap long katim halivim i go long Nicaragua sapos Mista Ortega i kisim gavman o pawa gen.

Solomon Ailans bai nidim intavensen misin long narapela faivpela yia

JAMES Batley, bosman bilong rijinel intavensen misin, husat klostu bai lusim Solomon Ailans i tok kantri bai nidim dispela misin i stap inap narapela faivpela yia i kam.

Mista Batley bai lusim Honiara long Fonde, bihain long wok bilong em olsem spesol kodineta bilong Rijinel Asistens Misin long Solomon Ailans inap long moa long tupela yia nau.

Sogavare Gavman i askim pinis RAMSI long makim wanpela de, em bai klia long ol i lusim Solomon Ailans.

Tasol Mista Batley i tok i mobeta long RAMSI long pinisim gut wok em ol i salim em long wokim na pinisim gut, na maski long makim tasol de o taim long em i mas pinis long Solomon Ailans.

"I gat planti wok i stap yet insait long narapela faivpela krismas na bihain. Mi ting olsem sampela long ol progrem mipela i wok long sanapim olsem long eria bilong pablik sevis rifom i lukluk long dispela kain taim freim i go faivpela yia

na antap." Mista Batley i tok hevi long Solomon Ailans dispela yia olsem dispela ol trabel o raiot long mun Epril, i soim Solomons bai bungim ol hevi yet bihainim ol pait, em ol i no yet stretim na em bai stap oltaim.

Bipo Timor praim minista i kamap long Pablik Prosekuta opis

BIPO Praim Minista bilong Is Timor, Mari Alkatiri i bin kamap long Jeneral Prosekutas Opis bai ol i ken askim em long sampela ol tokwin olsem em i bin givim gan long ol sivilian pipel long taim bilong ol trabel na pait long mun Me.

Mista Alkatiri i bin go kamap long wanpela gavman kar, we sampela Is Timo sekyuriti opisa na sikspela Australia soldia i bin ron wantaim olsem ol bodi gat bilong em. Em i bin pinis o risain lusim wok bilong Praim minista long mun Jun, na nau ol i

wok long mekim wok painimaut long ol tokwin olsem em i bin givim gan long ol sivilian o man nating long kilim ol birua bilong em long politiks, samting em i tok pinis long en olsem i no tru. Wanpela Yunaitet Nesens (United Nations) wok paini-

maut i go long ol trabel na pait long Is Timor i putimaut ripot bilong en long mun i go pinis na em i tok olsem Mista Alkatiri i bin asua tru long stopim gan long go long ol pipel olsem bai i gutpela long ol i glasim wok em i bin mekim.

WANPELA nupela allan i bin kirap aninit long solwara namel long ol volkeno allan long Tonga. Pacific nius ejensi, Pacnews i ripot olsem dispela allan i bin kirap bihain long wanpela volkeno i pairap long stat bilong mun Septemba, we em i bin tromoi ol ston long wara long Tonga. Wanpela kepten bilong wanpela long ol pising bot bilong Maritime Projects Company i tok stret olsem sikspela wik i go pinis ol i bin lukim wanpela nupela volkeno ailan klostu long Home Reef, i go olsem long saut wes bilong Vava'u.

PNG askim long holim narapela progrem long rausim gan long Bougenvil

PAPUA Niugini polis i tok ol i laik holim narapela wewens disposal progrem long Bogenvil. Ekting Polis Komanda Paul Kamau i tok long nait ol i bin statim wanpela kefiu bihain long polis i bin arestim Chris Uma, wanpela top renking memba bilong ol Meka'amui Difens Fos, long wanem em i bin

wok long karim wanpela hai pawa gan long pablik. Sief Inspekta Kamau i tok polis i no nap mekim gut wok bilong en sapos pipel i holim yet ol gan nambaut long ol rot. "Mipela i gat ol pait gan i stap yet. Ol pait gan we ol i no bin kisim na rausim long konten-

men taim wantaim UN, na mi billip, olsem mipela i mas i gat narapela kontenmen o wewens disposal pro-

grem o Bogenvil. Mi ting olsem dispela em i namba wan bikpela samting long ol lo na oda isiu long Bogenvil."

Fiji gavman i lukluk long opis bilong presiden na Vais Presiden

FIJI Gavman i tok em i wok long lukluk long ol opis bilong presiden, vais presiden na bilong kaunsil bilong ol seif long stretim ol belhevi, tingting nogut na kros namel long gavman, polis fos na fiji ami. Em i tok bai ol i noken askim ol memba kantri bilong Pasifik Ailan Forum nau long halivim, tasol bai ol i askim ol sapos ol i no nap stretim ol dispela hevi namel long gavman, Polis fos na ami long Fiji. Ol etvaisa bilong Praim Minista Laisenia Qarase i tok gavman i klia gut long dispela Biketawa (Bee-keh-

tah-wah) Deklaresen. Dispela deklasesen em i wanpela tok wanbel pepa namel long ol forum memba long we lida blong wan wan kantri i ken askim long halivim taim em i lukim olsem kantri bilong em i painim bikpela hevi, em i ken kamapim trabel long kantri bilong em. Ol memba kantri bilong forum i bin sainim dispela triti long Pasifik Forum samit long Kiribati long 2000. Ol gavman opisa i tok ol i wok long billip bai ol i noken yusim dispela triti long ol narapela i halivim.

Pacific BEAT Listen to Radio Australia 101.9FM Port Moresby
4. 5. 6am & 4pm. 5pm including sport
Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Pablik Sekta Impruvmen Progrem



Ambunti wok strong long bihainim wok divelopmen

Bihainim Wara Sepik

AMBUNTI gavman stesin i bin kirap taim wanpela tim bilong ol lain Jeman (German) i bin bihainim Wara Sepik long 1917.

Dispela namba tu gavman autpos i sindaun long sua bilong Wara Sepik, daubilo tasol long ol Not Westen Ambunti maunten.

Ples Marienberg insait long Angoram distrik em i wanpela arapela stesin ol Jeman i bin sanapim long wankain taim we ol i bin sanapim Ambunti.

Long go long Ambunti, yu mas kisim balus o bihainim rot long Pagwi, we Sepik Haiwe i save pinis long sua bilong bikpela Wara Sepik. Em nau bai yu mas ron tupela aua long kanu i gat moto.

Long taim pinis i bin i gat tingting long pulim wanpela rot namel long Ambunti na Maprik. Dispela rot planti i tok bai i mas ron long ples kunai long Kwanga, long saut wes bilong ol Ambunti maunten.

Dispela plen i no karim kaikai yet.

Long wankain taim,

aninit long wanpela interim stretasi o plen we Sief Sekreteri i go long gavman, Joshua Kalinoe i kamapim, wok i go het long opim rot i go long Ambunti bihainim narapela rot we i bruk long Yambi, em i 20 kilomita samting long Pagwi, na i pinis long maus bilong Wara Amagu we i stap long hapsait bilong Sepik stat long Avatip viles.

Tasol em bai lukim samting olsem narapela fopela ten (40) minit wantaim kantu na moto long kamap long Ambunti.

Dispela projek go het na taim em i pinis em bai helpim planti tausen ol bus ples komyuniti husat i save wokabaut longpela rot tru long go long Wewak painim ol gavman sevis.

Ambunti distrik i no kisim luksave inap long tripela ten (30) krismas bihain long indipendens.

Bipo long indipendens, dispela liklik taun we i gat samting olsem 3,000 pipel i stap long en i save lukim ol besik gavman sevis we ol i save kisim olgeta taim. Nau i

ken stap sampela mun o yia long kisim ol besik sevis bilong tu we long sampela arapela hap bilong PNG, ol i save kisim olgeta taim.

Tasol long sampela rot i gat mak i stap olsem rot bilong sevis i stap.

Tasol wok nau em bilong karim ol dispela sevis i go long ol pipel. I gat bikpela nid i stap long makim mani na ol pablik sevan i go long ol dispela liklik ples olsem bai ol i ken givim ol sevis long ol pipel.

Ambunti stesin i gat wanpela nupela tresari na polis opis. Em i gat nupela distrik opis, wanpela nupela jenereta (120 KVA) we i bin kam long man lokol memba bilong ol Tony Aimo i givim. Antap long ol dispela samting i gat nupela telepon eksens tu.

Tasol i nogat inap mani long baim ol dram disel bilong givim pawa 24 aua olgeta de. I nogat rot bilong baim ol nupela set batri bilong givim pawa long telepon eksens, we manimak bilong en i napim K30,000.



Ambunti em ol i tok em i ples we i namba wan long lukautim gut ol gavman stesin insait long Is Sepik provins.



Ol meri sapatim edukesen sevis

Veronica Hatutasi
i raitim

WANPELA meri grup i wok long helpim karim gut edukesen sevis insait long ol ruel skul long ol provins long kantri.

Ol i kolim dispela grup, "Distrik Wimen Fasilitetas" (DWF).

Dispela em i wanpela developmen projek long saif bilong edukesen em AusAID i fandim o putim mani long karimaut.

Laeko M Bala em i wanpela Kodineta long DWF projek insait long Sentrel provins i tok dispela em i nambawan kain projek olsem we i helpim long strongim ol skul insait long ol ruel eria i ron gut.

Progrem i bin stat tupela yia i go pinis long 2004, na em i wok gut long kantri, Misis Bala i tok.

Em i tok ol meri i laikim stret dispela wok na ol i save wok bung olsem tim, kisim ol kain salens olsem trenspot na weda hevi i go na i

kam long ol bus skul we i nogat gutpela rot long ol.

"As tingting long kirapim dispela projek na grup em long lukim olsem ol skul i ron gut, i gat gutpela ples bilong ol sumatin na tisa long stap na mekim gut wok.

"Na mipela i kisim trening long wok wantaim ol skul inspekta, ol edukesen opisa na distrik edukesen kodineta na ol skul Bot ov Menesmen (BOM) fasiliteta," Misis Bala i tok. Em i tok wok bilong ol em long go aut na sekim ol skul na komyniti na ol stekholda, holim ol miting wantaim ol na toktok long ol edukesen plen, sekim olsem BOM i kamap aninit long lo na i ron gut.

Na tu komyniti i papa long ol wok long lukautim na sapatim skul, i gat ol man na meri i wok wantaim na monitaim ol skul na kisim ripot i go bek long ol distrik edukesen atoriti.

Misi Bala i tok ol meri

we ol i makim ol long DWF em komyniti i gat luksave long ol na ol i gat save bikos wok ol i mekim i bikpela na ol i mas lukim olsem skul i ron gut na ol tisa i stap long skul na karimaut wok bilong ol.

Na tu, ol i mas gat save long eria na skul ol i lukautim.

Long Sentral provins, i gat 22 meri i karimaut dispela wok olsem DWF, na Misis Bala i tok wan wan long ol i wok aninit long zon o eria insait long 5-pela distrik na samting olsem 193 skul.

Em i tok ol DWF meri i save karimaut HIV/AIDS aweanes tu,

networking, kaunseling, taimtebol long ol eksen plen na ol i save helpim ol ples lain wantaim marasin bilong ol yet taim ol i lukim olsem ol pleslain i laikim helpim.

Misis Bala yet i lukautim 9-pela skul (komyniti na praimeri) we em i save patrolim n a wokim ripot long ol.



RESIS LONG MISS AUTONOMES BOGENVIL: Sevenpela Miss ABG kontesten i bin go lukim ol sik manmeri long Buka Haus sik long Sande. Dispela ol meri i redi nau long krauning nail long Disemba 16. Wina bilong resis bai makim Bougainville long Miss PNG resis long 2007. Long lephan em Miss Islands Boutique Natalie Tohiana, Miss Travel Car Sylvia Hosea, na Miss Quella Alliance Francisca Tasa Willie.

Lo bilong Lukautim ol Meri



Skruiim toktok long Adaltri na Entaismen

KLAK bai i helpim yu long raitim samons na em bai i makim de bilong kot long em. Yu yet, o wanpela wantok o pren bilong yu, i mas givim Kopi bilong samons pepa long husat man or meri yu laik kotim. Givim kopi samons i go long han bilong husat yu laik kotim, long 3-pela de o moa bipo de klak i makim long samons pepa.

Husat i givim kopi samons pepa long man or meri yu laik kotim, em i mas kisim namba wan samons pepa i go bek long haus kot na sainim "pruf ov sevis" (i stap lo baksait bilong namba wan samons pepa), long ai bilong mejistret or klak.

Moa long neks wik...

Sotpela Tok Lukaut Moa long Taktok bilong Sik Kensa bilong Susu

Ol hevi yu ken bungim taim yu stat long gat sik kensa

TAIM ol marasin i wok long daunim ol kensa sels o ol binatang i kamapim sik kensa, ol bai daunim tu ol nomol binatang insait long blut bilong yu.

Long taim dokta i karimaut kemoterapi, ol bai sekim blut na sapos ol i lukim olsem wanem, ol bai glvm kensa sik manmeri i kisim tritmen long blut o antibiotik marasin.

Ol arapela samting we bai kamap long meri i kisim marasin long dispela sik em long laik trauf, tru tru trauf, pekpek wara na sampela taim, gras long het bai pundaun. Sampela drag o marasin bai kamapim soa long maus o ol narapela liklik soa. Yu mas wasim maus oigeta taim na nes bai soim yu long stretpela we long wokim dispela.

Sapos yu les long kaikai, yu ken kisim ol sampela gutpela (nutritious) dring long helpim yu stap helti na gutpela.

Yu ken baim ol dispela gutpela dring long ol kemis. I gat ol marasin tu long helpim stopim yu long trauf.

Raun Lukim ol Meri na Pikinini




SAPOTIM PIKININI: Wantok i painim Mama Beverly Klembasa na ol pikinini Niandros, Milne Bay (mama karim long hap na i kisim dispela nem) na Flora i wet wantaim ol narapela mama long lukim ol pikinini bilong ol i pinisim tes na sindaun kaikai lans wantaim ol.



GUTPELA MAMA: Lucy Travertz i wanpela strongpela mama i bin makim ol papamama bilong ol Gret 12 A long Jubili Katolik Sekonderi skul long dispela yia long ol fan resing wok na ol arapela samting we ol papamama i ken helpim long kamapim gut skul.



REDI LONG HELPIM: Louise, Cymbelline, Beverly na Helen bilong Angliken Mama grup i redi long go aut mekim komyniti wok insait long Pot Mosbi Daiois.



HARIM STAP: Hatwok i pinis nau na ol mamapapa na sumatin i sindaun wantaim long kaikai tasol pastaim, ol i harim sampela bikpela toktok long skul prinsipel.

Ol YWCA mas lainim ol yangpela bilong Tude

Natasha Bodger
i raitim

OL mama insait long wanwan Yang Wimens Kristen Asosiesen (YWCA) brens i mas karim aut wok olsem tisa bilong ol yangpela meri insait long ol hap bilong ol.

Dispela em i wanpela bikpela toktok i bin kamap long bikpela bung bilong ol YWCA meri insait long Pot Mosbi las wik.

Luania Kirori, bilong Goroka YWCA Goroka i tok em i amamas long wanem dispela ol kain konvensen o bung olsem i wok long givim sans long ol yangpela meri long luksave na tu kisim save long wanem ol samting ol i ken mekim long stretim laip bilong ol yet na ol arapela meri insait long Papua Niugini.

Em i tok olsem long 17 yia bilong em olsem YWCA memba, em i lukim olsem senis i kamap isi long wanem i gat ol meri i save long wok bilong dispela oge-naisesen.




OL MERI I LUK STAIL TRU: Luania Kirori bilong YWCA Goroka Brens na wanpela susa bilong em i soim ol bilum dres ol i bin karim i kam wantaim ol.

Kain bung olsem i givim sans long ol yangpela long autim tingting bilong ol long ol kain kain samting na tu kamap wantaim ol nupela tingting long stretim ol meri insait long kantri.

Long dispela bung ol meri bilong wanwan brens i bin karim kam sampela ol samting ol i save lainim na mekim long wanwan de olsem ol bilum, klos, bilum dres, ol kaikai olsem pinat bata, hani na ol spais we wanwan long ol i bin gat sans long traim i kam na soim long

ol arapela poromeri bilong ol. YWCA Lae brens i bin soim ol misin kolos bilong ol na sampela prin snot na ol bilum dres we ol i talk yusim long wanpela bikpela fanresin bilong ol.

Wanpela memba bilong Lae YWCA brens, Christine Tauria i tok ol bai yusim ol sampela long dispela ol samting ol i mekim long wanpela fanresing dina bilong ol long mekim mani na salim sampela ol YWCA memba i go long YWCA Wol Konvensen long Nairobi, Kenya.



Redio Program

Program bilong Wanwan De - Mande - Fraide

6am - 10am - Sankamap show - Host: Kas.T
6:15am - Komuniti Notis Bod
6:30am - Nius Hetlains / Bondei grittings
STOP & SHOP GES FAIA KOMPETISEN
6:45am - Niuspepa Hetlains
7:00am - Major Nius Bulletin - YUMIFM Nius Senta
7:15am - Powerhaus Hit prediksen
7:30am - STOP & SHOP GES FAIA KOMPETISEN
8:00am - Major Nius Bulletin - YUMIFM Nius Senta
8:15am - YUMIFM Bisnis / Market Ripot
8:30am - STOP & SHOP GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Redio Pilal)
9:30am - STOP & SHOP GES FAIA KOMPETISEN
9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack -
10:10am - Lukatim yu yet - Helt toktok - RH Hyper Mart
10:15am - Powerhaus Hit Prediksen
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Cont'd - Lukauti yu yet - Helt toktok
11:30am - Nius Hetlains b'long Belo Taim
12:00pm - Major Nius Bulletin - YUMIFM Nius Senta
12:10pm - ESI COOK RICE Belo taim Dedikesen
12:15pm - Komuniti Notis Bod
12:20pm - cont'd ESI COOK Belo taim dedikesen
1:00pm - Nius - YUMIFM Nius Senta
1:10pm - cont'd ESI COOK RICE Belo taim dedikesen
1:15pm - Powerhaus Hit Prediksen
2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: UNCLE ET
2:00pm - 4:00pm (Tundei / Fondei) TOKAUT TOKSTRET
2:45pm - YUMI PAINIM WOK Segment
3:00pm - Nius - YUMIFM Nius Senta
3:10pm - Avinun cruz
4:00pm - NIUS - YUMIFM Senta
4:10pm - SAUT B'long UNCLE ET - foapela singsing
4:30pm - Nius Hetlains
4:45pm - YUMI PANIM WOK Segment
5:00pm - Nius - YUMIFM Nius Senta
5:10pm - 6:00pm - FLAME KULCHA (1 hr)
6:00pm - MAJOR NIUS BULLETIN - YUMIFM NIUS Senta
6pm - 00am - NAIT BEAT - Host: ANGRA KENNEDY
6:10pm - 7:00pm Mon kamap sho
6:15pm - Powerhaus Hit Prediksen
6:45pm - Komuniti Notis Bod (Toksave wantaim Vaviessie)
7:00pm - 9:00pm - COCA COLA GARAMUT
9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW
00:00 - Early Monin Taim Cruz (ol lain brukim tulait So)

Ol wiken entatenmen poto



KODIEL BILONG BIK-MAN: Taim bilong pati na amamas em i mas i gat kodiel bilong ol bik-man tu. Dispela bagaros i save gut tru long pulamapim glas bilong en. Isi, nogut liklik i kap-sait na lus nating.

Poto: Nicky Bernard

SINGLIS EM MIPELA YA: PNG T-Shirts em i wanpela kampani i save mekim ol kain kain stail print long ol singlis na siot. Ol i bin amamasim bikde bilong kampani na ol i askim Wantok Niuspepa long kam amamas wantaim ol.

Poto: Nicky Bernard



OL KUKBOI TU YA: Sapos i gat bikpela kaikai i kamap, ol bik-man bai bosim kuk yet. Ol dispela stail mangi bilong PNG T-Shirts, ISAS na Green Fresh i was long ol sosis na mit i stap. Ating sampela i mas lus i go long bel pinis ya.

Poto: Nicky Bernard



SWIT MOA YET: Mipela swit pinis, tasol mipela i laikim sampela moa. Dispela tripela wokmanmeri bilong Green Fresh i hamarim ais krim ol yet i save salim.

Poto: Nicky Bernard

RADIO AUSTRALIA TOK PISIN PROGRAM HARIM LONG: 101.9 FM

Radio Australia Tok Pisin Program - MANDE
Monding - Nait
6AM Stesen Op - Nius Hetlain - Musk na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Spots
7:30PM Nius na Karent Afes
8PM Helt
8:15PM Musi/Spots
8:30PM NIUS
8:40PM Spots Riplei
8:55PM Musi
9PM Stesen Pas
TUDE
Monding - Nait
6AM Stesen Op - Nius Hetlain - Musi na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musi na Chit-Chat
7:30PM Nius na Karent Afes
8PM Mama Graun
8:15PM Musi/Spots
8:30PM NIUS
8:40PM Helt Riplei
8:55PM Musi
9PM Stesen Pas
TRINDE
Monding - Nait
6AM Stesen Op - Nius Hetlain - Musi na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musi na Chit-Chat
7:30PM Nius na Karent Afes
8PM Focus
8:15PM Musi/Spots
8:30PM NIUS
8:40PM Mama Graun Riplei
8:55PM Musi
9PM Stesen Pas
FONDE
Monding - Nait
6AM Stesen Op - Nius Hetlain - Musi na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musi na Chit-Chat
7:30PM Nius na Karent Afes
8PM Youth
8:15PM Musi/Spots
8:30PM NIUS
8:40PM Focus Riplei
8:55PM Musi
9PM Stesen Pas
FRAIDE
Monding - Nait
6AM Stesen Op - Nius Hetlain - Musi na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musi na Chit-Chat
7:30PM Nius na Karent Afes
8PM Wantok
8:15PM Musi
8:30PM NIUS
8:40PM Youth Riplei
8:55PM Musi
9PM Stesen Pas
SARERE
Nait
7PM Stesen op - Ol Nius Hetlain/Program Priviu
7:05PM Musi na Chit Chat
7:30PM Nius
7:40PM Wantok
8PM Lokal Ben
8:30PM Nius
8:40PM Musi/Chit Chat
9PM Stesen Pas
SANDE
Nait
7PM Stesen op - Ol Nius Hetlain/Program Priviu
7:05PM Musi na Chit Chat
7:30PM Nius
7:40PM Femiil Blong Serah (Redio Pil)
8PM Lukiuk Bek Long Wik
8:30PM Nius
8:40PM Musi/Chit Chat
9PM Stesen Pas



SP WIKLI HIT HIT PARADE



Sarere 11/11/2006

- 1(4) Ire Bala Daville
2 Sumi Rere Lerams of Kagua
3 Tehine Moana Nahorau
4 Ariama Lerams of Kagua
5 Smile Nokondi
6 Ma Yan Mistopz of DOY Is
7 Mangi Highlands Lerams of Kagua
8 Rome Wasume Lerams of Kagua
9 Every Taim Sharzy
10 Hem Stret Sharzy ft Anslom & Fedyz
11 Tangara Walau Stain Nuts
12 Melmelo Jeanne Hue
13 Ni alia Gutsomi Stain Nuts
14 Buka Meri Sharzy
15 Long Taim Fren Gedix Atege
16 Iwalingoto Junior Insects
17 Telephone Niuge
18 Milomilo Kekene
19 Raingal Mistops of DOY Is
20(8) Maten Kandiek Twin hoxs of Kavieng

TV GAID

FONDE NOVEMBA 9, 2006

5:29AM STATION OPEN
5:30AM G JOYCE MEYER
Religious programme
6:00AM G TODAY
9:00AM G CREFFLO DOLLAR
Religious Program
CLASSROOM BROADCAST
9:30AM Mathematics - Grade 8
10:20AM Science - Grade 8
11:10AM Social Science - Grade 7
12:45PM Personal Development - Grade 6
1:15PM Making A Living - Grade 7
2:00PM EMTV PRIME TIME LINE UP
2:59PM STATION RE-OPEN
KIDS KONA
3:00PM G LIGHTS, CAMERA, WIGGLES
3:30PM G HI-5
4:00PM G Y
4:30PM G THE SHAK
4:57PM G EMTV TOK SAVE
5:00PM G HOT SOURCE
5:29PM G EMTV NEWS UPDATE
5:30PM G BERT'S FAMILY FEUD
6:00PM G NATIONAL EMTV NEWS
6:30PM G A CURRENT AFFAIR
6:59PM G NEWS UPDATE IN TOK PISIN
7:00PM G TEMPTATION
7:30PM G CHM SUPERSOUND
7:57PM G EMTV TOK SAVE
8:30AM G SPORT SCENE

9:30PM M 24
One of the most innovative, thrilling and acclaimed drama series on television, 24, created by Joel Surnow and Robert Cochran. Each episode will cover one hour of real time, and the season's entire story will take place in one day. Starring Kiefer Sutherland as Jack Bauer. (new series)
11:00PM M COLD SQUAD
12m/nightG EMTV NEWS REPLAY
00:30AM EMTV PRIME TIME LINE UP
FRAIDE NOVEMBA 10, 2006
5:27AM STATION OPEN
5:30AM G JOYCE MEYER
Religious programme
6:00AM G TODAY
9:00AM G CREFFLO DOLLAR
Religious Program
CLASSROOM BROADCAST
9:30AM Mathematics - Grade 8
10:20AM Science - Grade 8
11:10AM Social Science - Grade 7
12:45PM Personal Development - Grade 6
1:15PM Making A Living - Grade 7
2:00PM EMTV PRIME TIME LINE UP
2:59PM STATION RE-OPEN
KIDS KONA
3:00PM G THE EGGS
3:30PM G HI-5

4:00PM G Y
4:30PM G THE SHAK
4:57PM G EMTV TOK SAVE
5:00PM G HOT SOURCE
5:29PM G EMTV NEWS UPDATE
5:30PM G BERT'S FAMILY FEUD
6:00PM G NATIONAL EMTV NEWS
6:30PM G A CURRENT AFFAIR
6:59PM G NEWS UPDATE IN TOK PISIN
7:00PM G TEMPTATION
7:30PM G TOK PIKSA
8:00PM G IN MORESBY TONIGHT
8:27PM G EMTV TOK SAVE
8:30PM PG SURVIVOR: COOK ISLAND
Survivor: Cook Islands is the thirteenth season in the Survivor series. In Survivor Cook Islands 16 competitors survive in the wild dealing with the elements of a hostile environment for over a month while competing against one another in a variety of competitions for rewards and advantages in the game. Each week one contestant is voted out by other people in their "tribe" until one remains as the sole Survivor.
9:30PM PG 20 TO 1: The Rich & The Famous - 20 To 1 brings you some of the best and worst - moments in Australian history with a countdown from 20 to 1 that can be shared with the whole family. Relive the classic moments that make the Top 20 with Charles "Bud" Tingwell counting down 20 to 1 each week.
10:30PM M WALKER TEXAS RANGER
Repeat of the 6 o'clock main news bulletin.

12midnight EMTV PRIME TIME LINE UP
SARERE NOVEMBA 11, 2006
7:59AM STATION OPEN
8:00AM G PLANET FANTA
9:30AM G HOT SOURCE
10:00AM PG SO FRESH
11:30AM G WORLD OF WILD LIFE
12noon G TALKING TO ANIMALS
12:30PM G GARDENING GURUS
1:00PM PG AIRLINE
1:30PM PG HELLO GOODBYE
2:00PM G JAPAN VIDEO TOPICS
2:15PM G ICC CRICKET WORLD
2:45PM G TOTAL RUGBY
3:15PM G 2007 SOUTH PACIFIC GAMES XIII Updates on the preparation of the South Pacific Games XII to be held in Apia, Samoa from August 25th to September 8th 2007.
3:30PM G SPEED MACHINE: utes Queensland
4:30PM G THE BOAT SHOW
5:00PM G ESCAPE WITH ET
5:30PM G FISHING NORTH AUSTRALIA
6:00PM G NATIONAL EMTV NEWS
6:30PM G AUSTRALIA'S FUNNIEST HOME VIDEO SHOW
7:30PM PG KING OF QUEENS
7:57PM G EMTV TOK SAVE
8:00PM G SOUTH PACIFIC MUSIC

9:00PM G TOTAL RUGBY
9:30PM G 2006 RUGBY LEAGUE TRI-NATIONS SERIES - EMTV presents Tri-Nations Rugby League Game #5, New Zealand v Great Britain, from Wellington, New Zealand. Join your expert commentary team Andrew Voss, Phil Gould and Ben Ikin for all the action!
11:30PM G EMTV NEWS REPLAY
12midnight EMTV PRIME TIME LINE UP
SANDE NOVEMBA 12, 2006
8:29AM STATION OPEN
8:30AM G BUSINESS SUCCESS
9:00AM G SUNDAY
11:00AM G WILD ADVENTURES WITH DAVID IRELAND Outback Serpents
12noon G 7th HEAVEN
1:00PM G 7th HEAVEN
2:00PM G WILD ABOUT GOLF
2:30PM G SCENARIOS FROM THE SAHEL: A Ring On Her Finger
2:35PM G JAPANESE GREAT MASTERS & EVER-POPULAR HANDICRAFTS
4:00PM PG SUNDAY AFTERNOON MOVIE: DANCE WITH ME
6:00PM G NATIONAL EMTV NEWS
6:30PM G ICE DISCOVERED
7:30PM G 60 MINUTES
8:27PM G EMTV TOK SAVE
8:30PM PG SUNDAY NIGHT FAMILY



TORO



BIABIA



KANAGE



Olsem wanem ol pilais i no go pilai long las wik Sarere long Media Pool Kompetisen. Ol i mas les tru long miks pool yah! Gem plen mas senis nau long fitim gem. Praim moni i go antap long K4,500 nau pils olgeta mas kam kikim off dispela kompetisen. Lukim Lucy Kapl long kisim moa toksave. Kastu, karim nupela diwai bilong yu i kam na mipela i skelim long hap, dispela Sarere.

Taim bilong ren i stat nau. Tingim ambrela bilong yu na em i gutpela taim long wokim gaden kostu long haus bilong yu. Mi save, pinat bai hot seling gen bhain long wan mun

sapos ren i stap yet. Nau yu go balm bual, bai yu luksave olsem daka i no planti. Tokwin i harim olsem ol manmeri bilong salim daka i wok long salim tupela stik daka long K2 stret. Bual i pulap, tasol hau bai yu kalkal gut taim ol i givim yu liklik daka tru??? Man, kambang i kukim maus bilong mi bikos daka i no planti long miks wantaim. Maskil Lusim bual, kalkal PK tasol!!


bilong painim moni long go peim bipo ol i kam konektim bai pinis nau. Yu yet skelim. Tokwin i amamas tru long harim olsem Wewak bai i kamap nabawan provins long menufeksarim kar. Ol bai mekim ol Jeepni kar long hap na kamapim wok long planti yangpela long hap. Rait ologeta! Gohet mai sagi, Gawi i no bagarap yet!!

Wantok Tasol...

PAINIM NEM INSAIT

Grid for the word search puzzle with letters arranged in rows and columns.

- PAINIM OL TOKTOK BILONG MELBON KAP 2006: HOS MELBON KAP MENESA RESIS JOKI BET KALA NAMBA TREK FES SEKEN WIN LUS DELTA BLUES POP ROCK YEATS ZIPPING MANI BUKI MAYBE BETTER TAWQEET SIAPAN HOS ANSA BILONG LAS WIK...



ANSALONG LAS WIK... 4 7 8 9 2 1 6 3 5 1 2 6 3 5 7 9 8 4 3 5 9 4 8 6 2 7 1 2 1 4 7 9 8 3 5 6 6 8 5 2 1 3 7 4 9 9 3 7 8 4 5 6 1 2 8 4 2 1 7 9 5 6 3 5 9 3 8 6 4 1 2 7 7 6 1 5 3 2 4 9 8

ANSALONG LAS WIK... 5 4 6 9 7 8 2 4 9 5 3 1 8 1 4 3 7 9 7 6 5 4 1 3 2 4 7 2 9 6 9 4 1 5

Ol ansa bai kamaut long neks wik so putim was long neks wik pepa!!

EMTV TVGAID

EMTV TVGAID listing movie and program schedules for November 13, 14, and 15, 2006. Includes titles like 'The Wedding Planner', 'Bananas in Pyjamas', and 'The Shak'.



Daville Musikman laik skul pastaim

IRE BALA, singsing we i sanap namba wan long Nesanel Wikli Hit Pareit long 93Yumi FM i wok long pairap strong tru na planti ol pipel save pinis long dispela hap singsing.

Tasol wanpela memba bilong dispela ben Daville i tok olsem em yet i pilim olsem skul wok i mas kam pastaim bipo em i laik go het fultaim wantaim musik bilong em insait long musik industri.

Lit gita man na singa, Roy Savitz Kili i tok em i amamas tru long hau singsing bilong grup Daville i wok long kamap na tu em i laikim olsem ol bai mas go strong yet insait long musik industri.

Tasol i mas gat gupela faundesen we yumi inap long kam bek long em.

"Mi yet mi pilim olsem mi mas pinisim skul bilong mi na kisim teknikel treid bilong mi bipo mi ken strongim tingting long musik sait," Roy i tok.

Roy i bilip olsem ol musikman husat i kamap strong insait long musik industri mas gat faundesen pastaim bipo em i got het long wanem taim musik laip bilong yu i pinis bai yu nogat narapela samting long mekim ken.

"Mi gat bikpela tingting long musik bihain taim tasol nau yet skul na wok i mas kam pas long wanem mi yet mi i no bikpela neim olsem Paul McCartney," em i tok.

Dispela tingting i kam we?

Dispela tingting i bin kamap taim mi lukim ol feivret ben bilong olsem Cotton 2-2 na Project 2000 bilong ples Haku long Buka i no moa pairap insait long musik industri long wanem kontrak bilong ol i pinis na ol ben memba i go bek ken long ples na stap nating.

Cotton 2-2 na Project 2000 i bin kamap stret long yia 1990s wantaim ol nupela stail musik we i senisim Bougainville hevi metol musik i go long liklik hap regei na ples stail musik.

Tasol taim musik laif bilong ol i pinis, ol tu i nogat hap long go bek long em insait long wan wan keria bilong ol. Ol ben memba i kamap ples man ken.

Em i tok em i lukim dispela long planti ol musikman insait long PNG na em i no laik kamap olsem.

Roy i tok ol kandre bilong em olsem Jude Tukou Billy long Project 2000 na Steven Kenu Hoot bilong ben Cotton 2-2 i etvaisim em olsem em mas skelim taim bilong em gut namel long musik na skul wok sapos em i laik kam gut insait long musik laif bilong em.

"Ol kandre bilong mi i bin pudaun insait long dispela trep na ol yet i tok ol i les

long mi bihainim dispela rot," Roy i tok.

Stori bilong em

Mama i bin karim Roy Savitz Kili long Pot Mosbi long yia 1985 na i bin wokim praimer skul bilong em bipo long famili bilong em i bin muv i go bek ken long Buka taim papa bilong em i kisim wanpela wok long insait long wanpela AusAID program.

Bihain long dispela, Roy i go skul long Hutjena High Skul tasol em i no pinisim gret 12 bilong em long wanem em i no save laik wokim homwok.

Glasim musik i bin go tok-tok wantaim ol tisa bilong Roy na planti long ol i tok em i wanpela save mangi tasol kain bikhet pasin long noken pinisim homwok i wokim na em i no pinisim skul gut.

Dispela stail mangi bilong Bogenvil na Milen Be i bin greduet las wik Fraide wantaim Fita Masinin setifikait long Pot Mosbi Teknikel College bihain long wanpela 12 mun kos em i kisim.

"Mi save les tru long wokim homwok ol tisa i save givim long mi," Roy i lap na tok.

Fes taim em i laik mekim Musik

"Mi bin baim fes kapok akostik gita bilong mi taim mi 14-pela krismas na mi stap greit 8 long Hutjena High Skul. Mi bin nogat save long pleim gita tasol bikpela laik bilong mi long musik i wokim na mi lainim hariap tru," Roy i tok.

Roy i bin lainim em yet long pilai gita tasol em i tok tu olsem bikpela tingting i bin kam long kandre bilong em na lid guitarist bilong Cotton 2-2 Michael Tumiats.

Long 1980s Michael i bin man we i go pas long ol Cotton 2-2 long fes rekoding bilong ol long Kalang na bihain ken long 1990s.

Roy yet i tok em i tingim ol taim we em i bin save laikim tru long lukim Michael i paitim gita na skin bilong em i save kirap taim em i harim i pairap.

Em i tok mi bin nogat i nap mani long baim dispela fes gita bilong mi tasol anti bilong mi i bin helpim mi na mi bin baim.

"Mi save olsem na anti bilong mi mas amamas long mi long wanem em yet bai lukim olsem mani bilong em i no go nating na tu mi pilim olsem plei gita em samting nating na mi save pilim tru taim mi plei," Roy i tok.

Roy i stori olsem taim em i liklik mangi yet papa bilong em i bin baim wanpela ukulele tasol em i liklik na i no soim intres long wanem em i gat bikpela laik long plei wantaim ol toi ka na gan.

Taim glasim Musik i askim em long wanem as tru em i senisim tingting, em i lap na tok i mas olgeta kaukau em i save kaikai na i senisim tingting bilong em.


Namba wan ben em i pilai long en

Namba wan ben em i bin pilai long en em Tutul ben, wanpela rok ben bilong ples bilong mi yet long Lemanmanu long Buka.


Dispela ben i save pilai long haus lotu na tu long ol liklik so insait long ples yet.

Ol bin save raitim ol singsing bilong ol yet na taim kandre bilong em, Hilary Kerehana, i lukim olsem em i gat dispela talen, em i soim em na tu i lainim em long wei bilong paitim gita stret.

Roy i tok, "Ankel Hilary em wanpela trupela man



ROY SAVITZ KILI: Mi pinisim skul pastaim bihain long mi go insait long musik industri.



TEKNIKOL TREID: Roy long teknikal skul i yusim grainda long graindim ol metol.



MALOLO: Em malolo wantaim ol skul pren bilong em bihain long klas i pinis.

long raitim ol singsing na taim mipela i save lain, em i save soim mi gut long ol kainkain wei long pilaim gita."

Taim ol lain i lukluk long famili bilong Roy, planti bai i paul long wanem papa bilong em na ol kandre bilong em i no ol musik man tasol olgeta i stap insait long media industri.

Tasol a ting Roy i bihainim step bilong tumbuna man bilong em husait i bin wanpela katekist na wanpela fit kwaia masta. Dispela i no so tru long ol kandre bilong em na papa bilong em, long wanem Roy na liklik brata bilong em Krispian i kisim dispela ol talen bilong bubu man.

Tutul ben i bin wanpela kik ben bilong liklik hap ples bilong ol na ol i bin pilai planti taim long Hutjena.

Roy i tok fes taim tru em i bin go singsing wantaim ol Tutul long wanpela Rok So, namba wan singsing ol i in pleim em singsing bilong Bob Dylan ol i kolim 'Knocking on Heaven's Door' na ol arapela singsing

bilong Bon Jovi na Guns n Roses.

"Mipela i bin kirapim das tru long dispela Rok So na ol lain i bin rikes olsem bi mipela i pilai olgeta yia. Mi bin stap plei i nap mi kam bek ken long Pot Mosbi long 2005," dispela yangpela gitaman i tok.

Daville i kamap

Taim mi stap skul yet long Hutjena, mi na Daville kibodist Phillip Getsi na ol arapela sumatin i bin fomim skul ben, Ghetto na taim mipela i save les long skul wok presa, mipela save go na pilai musik.

Dispela i tru long wanem olsem atis mi bin rait long em las wik, Dadii Gil, dispela yanpela atis i bin raitim sampela singsing pinis tasol em yet i no singim yet long pablik.

Tasol nau olsem em i stap insait long grup Daville, i luk olsem em bai gat sans long harim sampela ol singsing ya i kam aut nau.

Wantaim namba singsing bilong ol Ire Bala, i luk

olsem Daville i bai bikpela sans long kamapim sampela nupela na naispela singsing long wanem dispela i soim ol yanpela hais skul sumatin i holim namba wan posisen insait long kantri wantaim fes taim singsing bilong ol.

Ol narapela taim we i lukim ol yanpela pikinini i holim spot lait em long taim bilong Henry Kuskus na singsing bilong em Tutu Arengge na Charles Kivovon wantaim feivret regei singsing bilong 1990s Lokel Regae.

"Mi gat bikpela lav long pilai gita na mi save laik pefom laiv long fran bilong ol pipel. Mi no bilip long program musik bilong tude long wanem em i save rausim minin na trupela filing bilong musik we wanpela i raitim na pleim," em i tok.

Roy yet i laikim bai ol musik studio insait long kantri long go bek long olpela wei bilong pleim musik long wanem dispela kain stail i no luksave long talen bilong ol atis stret.

Roy Savitz Kili i hamamas long wanem kain we sings-


ing bilong em na grup Daville i mekim insait long musik industri na em i tokim olgeta fens bilong em long was aut ken long ol arapela singsing insait long albam.

Tasol nau yet, em i laik kisim wanpela gupela wok pastaim bipo em i ken fokus long musik keria bilong em.

Em tok tu olsem long ol arapela yanpela lain husait i laik go insait long musik industri em long painim gupela wok pastaim bipo yumi ken kamap strong long musik.

Musik industri bilong PNG i liklik tumas long yumi ol yanpela long kamap wantaim musik keria. Tasol yumi mas go het strong na traim long painim wei long stretim dispela. Long lukluk bilong mi, mi ting olsem i no isi long kisim wok na bihain les na fokus long musik keria long wanem yumi i no save lainim musik long klasrum, em i stap long blut bilong yumi wan wan," Roy i tok.


Yu ken ritim ol stori bilong Musik olgeta Mande insait long The National tasol.



NIUS TOKSAVE I KAM LONG SIAMAN BILONG KAKAO BOD, MISTA JIMMY SIMITAB

NUPELA REKOT INSAIT LONG KAKAO PRODAKSEN BILONG KAKAO YIA 2005/06 INAP LONG 50, 253 TAN

TOK I GO PAS



Papua Niugini kakao industri i ron gut long painim mak bilong em long apim prodaksen i go inap 100,000 long yia 2015. Industri i makim nupela rekot long prodaksen inap long 50, 253 tan we manimak bilong em i sanap long K228 millien bilong 2005/06 kakao yia we i bin pinis long mun Septemba, 2006. Dispela em i 5% moa long volum o bikpela bilong en na 3% moa long veliu o manimak antap long mak bilong kakao yia i go pinis.

Dispela ol namba i ken go antap moa sapos mipela i sekim gen. Dispela nupela rekot i abrusim ol rekot i go pinis inap long 47,813 tan long 2004/05 na 46, 822 tan long 1999/00. Bod i gat bikpela bilip olsem dispela piksa bilong prodaksen bai go het yet insait long sotpela inap long namel taim na i luk olsem mipela bai bungim dispela taget bilong 100,000 tan bipo long taget yia 2015.

Groa bilong kakao prodaksen i kamap bihainim strongpela wok bilong Bod long promotim industri na ol arapela samting olsem;

- nupela laik i kam long ol smolholda produsa insait long kantri olsem kakao em i wanpela strongpela krop long putim mani long en;
- prodaksen bilong moa long 12 millien kakao sid i go long Bogenvil aninit long Bougainville Cocoa Rehabilitation Project we i kamap wantaim helpim mani i kam long European Union;
- saplai bekim i kam long ol groa bihain long prais i go antap long 2002;
- moa sapot i kam long ol Memba bilong Palamen i go long ol ilektoret bilong ol we ol i saplain ol sid olsem Angoram Cocoa and Coconut Project; na moa yet.
- autim bilong ol nupela kain kakao we i save karim planti i kam long Kakao Risets Institut (Cocoa Research Institute) na i save go aut long ol ples we ol i save groim kakao.

Stori na ol namba bilong prodaksen insait long ol provins em mipela i wok long stretim yet, tasol i luk olsem groa long namba i wok long kam long Bogenvil na Is Sepik provins. Stori bilong kakao eksport insait long 12-pela krismas i stap daunbi-
lo.

Yia	Hamas Tan	Ekspot Revenu o winmani (K millien)
1994/95	29, 176	44
1995/96	36, 548	61
1996/97	30, 357	54
1997/98	29, 542	89
1998/99	35, 271	99
1999/00	46, 822	105
2000/01	39, 749	111
2001/02	38, 362	203
2002/03	42, 660	299
2003/04	38, 854	209
2004/05	47, 813	222

Bod i amamas long toksave olsem Western Hailans na Simbu Provins bai bung wantaim ol nambis provins long groim kakao. Bod bai wok bung wantaim olgeta Provinsel Gavman na Join Distrik Piening Komiti bilong olgeta provins i save groim kakao long promotim kakao prodaksen olsem wanpela rot bilong mekim winmani na strongim sindaun bilong ol fama na komyuniti insait long ol distrik i save groim kakao.

JIMMY SIMITAB
Siaman

Planim Kakao Long Lukautim Famili - Emi isi tru na i gat gutpela win moni

2005/06 50, 253 228
Ol Fama kisim Askim long Go het na Kamapim Kwaliti Kakao.

Bod i laik strongim tingting bilong ol kakao fama long go het long groim gutpela kwaliti kakao na bihainim gut ol dispela samting:

- (a) Havestim o kisim ol kakao prut i mau gut tasol;
- (b) Larim namel long 5 na 7 de bai em i kuk (fementesen);
- (c) Larim namel long 2 na 3-pela de bai em i drai gut;
- (d) Yusim gutpela ol haus bilong holim kakao i stap gut.

Ol Rot bilong Developmen

Aninit long midium tem plen bilong en insait long Nesenel Agrikalsa Developmen Plen, Bod i makim ol dispela rot bilong luksave long ol Visen na Driman bilong en.

Ol dispela rot em:

1. Apim mak bilong smolholda prodaktiviti o wok bihainim:

- Strongim bek ol smolholda blok na plantasin;
- Karimaut smolholda trening long olgeta hap insait long kantri;
- Strongim rot i go long dinau.

2. Bungim ol smolholda insait long ol:

- Koporetiv (Cooperative) Sosaiti
- Nuklias Enteprais Skim (Nucleus Enterprise Schemes)

3. Strongim kakao kwolati taim yu:

- Rivium o glasim bek ol kwolati stendat long painim ISO9000 komplaiens o bihainim;
- Bod long stap insait long wok bilong sentral inspeksenb

4. Promotim daunstrim prosesing bihainim:

- Painim wanpela gutpela foren investa;
- sanapim ol Kakao Daunstrim Prosesing Risets Senta



**PEN
PREN**

- NEM:** Gabriel Jerry
KRISMAS: 21 (man)
ADDRESS: Gabensi Village, P.O Box 10, Lae
SAVE LAIKIM: Mekim pani, pilai spots, raunraun, harim musik, lukim TV, raitim pas.
- NEM:** Kipali Magob
KRISMAS: 18 (meri)
ADDRESS: Granged Island Primary School, P.O Box 406, Madang.
SAVE LAIKIM: Lukim TV, harim musik, pilai soka, volibol na ritim buk.
- NEM:** Ronny Namallu
KRISMAS: 16 (man)
ADDRESS: Good Shepherd Lutheran High School, P.O Box 1124, Madang
SAVE LAIKIM: Harim musik, lukim TV, pilai soka, volibol na ritim buk.
- NEM:** Crista Gambelia
KRISMAS: 21(meri)
ADDRESS: P.O Box 215, Kimbe
SAVE LAIKIM: Pilai soka na volibol, go lotu na mekim pani.
- NEM:** Devillah Naiga
KRISMAS: 16 (meri)
ADDRESS: Gavien Central Praise & Worship Centre, P.O Box 953, Wewak
SAVE LAIKIM: Pilai spots, mekim pani, kaikal fis na sego.
- NEM:** Loveleez Ainsmerhn
KRISMAS: 17 (meri)
ADDRESS: Teosipoto Primary School, P.O Box 196, Buka
SAVE LAIKIM: Harim musik, go lotu, raitim pas, raun nabaut, na mekim pren
- NEM:** Micha Daniel Moi
KRISMAS: 29 (man)
ADDRESS: The Prison Ministry, P.O Box 81, Goroka
SAVE LAIKIM: Pilai ragbi tas, volibol, mekim pani, stori, ritim Balbel na go lotu
- NEM:** Regina Kaken
KRISMAS: 17 (meri)
ADDRESS: Gavien Central Prais & Centre, P.O Box 953, Wewak.
SAVE LAIKIM: Mekim pani, kuk, harim musik, pilai volibol na lukim TV.
- NEM:** Felicity Tozan
KRISMAS: 18 (meri)
ADDRESS: Teosipo Primary School, P.O Box 196, Buka
SAVE LAIKIM: Mekim pani, harim musik, danis na ritim buk.
- NEM:** Billy Dee
KRISMAS: 26 (man)
ADDRESS: P.O Box 168, Tabubil, Western Provins
SAVE LAIKIM: Mekim pani, harim musik, lukim TV, pilai spots na kukim kaikal.

Ol meri sapatim ol polisman bilong ol

Opisa Pokep, OBE


Sapta 7

MISIS bilong Mesa Pokep na ol lain meri bilong Bomana Polis Trening Kolis nau i gat wanpela Asosiesen na ol tu i wok long mekim toktok long ol kondisen bilong ol polisman.

Long wanpela miting bilong las wik presiden bilong ol, Misis Lamaso i mekim wanpela strong-pela toktok tru long sapatim ol man bilong ol. Misis Pokep i nupela meri liklik long Bomana tasol em i save long wari bilong ol polisman.

Em i amamas olsem planti meri bilong ol polisman long Bomana i strongim wok bilong Misis Lamaso na ol eksekutiv bilong en. Misis Pokep i laik halivim wok bilong Asosiesen tasol Bomana i no olsem Mumeng na Madang. Misis Lamso na ol eksekutiv bilong en i moa yangpela na ol i gat bikipela skul. Planti taim long liklik miting bilong eksekutiv ol memba i toktok long Inglis.

Presiden Lamaso na ol memba bilong eksekutiv i ken pilim dispela liklik heve na i lukaut gut tru taim ol i toktok long lain bilong Misis Pokep. Long neks miting bilong Asosiesen ol i pasim resolusen olsem long olgeta miting ol i mas toktok long Tok Pisin. Misis Lamaso tu i bihainim dispela resolusen long taim eksekutiv bilong en i mekim miting bilong ol. Misis Pokep na ol dispela i no save tumas long Inglis i amamas tru long dispela. Ol pilim olsem nau ol tu i ken givim tingting bilong ol long ol miting. Ol eksekutiv tu i lukim olsem ol memba nau i gat moa interes long ol wok bilong Asosiesen. Planti meri long Bomana Polis Kolis nau i kamap memba bilong Asosiesen. Dispela tu i mekim komyuniti bilong Bomana Polis Kolis i wok na bung wantaim.



Dia Mesa Pokep,
Yu bai go long
Australia long tripela
mun. Bai yu stap long
Not Sidni long namba
tri mun na go lukluk
raun long Kenbera na
Brisben. Gut laki!

Hetkota
Konedobu

Mesa Pokep na ol narapela polisman i lukim dispela sapat bilong ol meri bilong ol na ol i pilim gut long skin na tingting bilong ol. Na dispela gutpela pilim insait long ol i strongim laik bilong ol long wok bilong ol. Ol i ken lukim olsem i no ol tasol na ol sumatin bilong Yunivesiti, planti narapela man na meri long Papua Niugini i givim ol sapat.

Bagarap ya i no bilong ol polis tasol. Olgeta dipatmen olsem tasol. Sapos skul bilong man i no bikipela em i no nap tru long kisim hai posisen long wok long Papua Niugini. Maski man i gat planti save long wok na ekspiriens bilong en tasol em i no nap go antap. Ol dispela kain gutpela polisman olsem Mesa Pokep i ken go antap long mesa tasol.

Long lusim mesa na go antap ol i mas go bek long skul na kisim

sampela save gen. Klostu Mesa Pokep i gat fifti krismas nau na tingting bilong em i strong long ritaia long wok polisman. Em i gat traipela plen long kisim ol sevis lip bilong en na nainpela mun na staim liklik bisnis bilong en long ples.

Tingting bilong go bek long skul i no stap long het bilong en moa. Em i tokim ol wanwok bilong en olsem, "Taim liklik strong bilong wokim gaden i stap yet mi mas go bek long ples. Mi no laikim bai mi kamap bilas nating bilong hausbol".

Tasol long tingting bilong en tu sapos em i ritaia long renk bilong opisa bai pensen mani bilong en i moa bikipela liklik long wan wan mun.

Long mun Me 1985 Mesa Pokep i kisim wanpela toksave long hetkwota long Konedobu olsem bai em

i go long Sidni long tripela mun long wok wantaim New South Wales Polis. Bai em i beis long Not Sidni Polis Stesin na wok wantaim long Komyuniti Rilesen Brens.

Tupela mun bai em i wok long Not Sidni Stesin na long namba tri mun bai em i go lukluk raun long ol narapela polis stesin long Kenbera na Brisben. Taim Mesa Pokep i kisim dispela nius tingting bilong en i orait liklik bikos nau em i ken lukim Sidni.

Planti poroman bilong en i go pinis long Australia na ol i kam bek wantaim long kain kain stori bilong ol. Planti i stori long hap bilong Sidni ol i kolim Kings Cross.

Ol meri bilong dispela hap bilong Sidni i no hat long kisim. Sampela bos bilong en long hetkwota tu i stori long laip ol i lukim long Kings Cross. Wanpela i tokim Mesa Pokep olsem nem bilong ples i mas senis i go long Kwins Kros bikos em ples ya i pulap tru long ol meri.

Mesa Pokep i amamas long go long Australia tasol em i poret liklik tu. Em i no pilim gut tumas long lusim Papua Niugini na go stap tripela mun em wanpela long kantri bilong ol waitman.

Ol stori bilong ples kol tu i save mekim em i tingting planti na sampela taim i mekim em i les liklik. Tasol ol dispela poret na wari bilong eni pinis taim bikipela boi bilong en i rait i kam na givim tingting halivim long em long go na lukim ples bilong ol waitman.

Taim em i ridim leta bilong pikini, em i lusim olgeta poret tingting bilong en. Meri bilong en yet i bilip olsem dispela tripela mun polis dipatmen i mas givim man bilong en long raun long Australia nating.

Em i tok man bilong en i sevis man tru long polis pos na i no kisim wanpela gutpela samting tru long gavman.

NEKS WIK: POKEP I GO WOK LONG SIDNI, AUSTRALIA

Meri laik divosim mi

Dia Lalplain

Mi gat hevi bikos meri bilong mi i laik maritim narapela man na divosim mi. Mi painim aut pinis long plen bilong em long lusim mi. Mi wanbel tu long em bikos em i bagarapim nem bilong mi olsem gutpela man bilong em na mi no gat bilip long em moa.

Mi wok long painim wanpela meri long poromanim. Dispela meri i stap long wankain hevi na ol i rait pinis long Lalplain long askim tu long helpim na painim patna. Sapos yupela i save long sampela meri i gat wankain hevi, plis toksave long mi.

Mi save em i no samting bilong yupela long helpim mi painim poroman, tasol mi askim sapos yupela i ken helpim mi bikos lewa bilong mi i bruk pinis.


- BROKEN HEARTED

Dia Pren,

I luk olsem yu no bisi long dispela hevi tasol yu laik painim wanpela meri wantaim wankain hevi.

Yu save olsem lusim hevi taim yu no daunim o mekim samting long stretim i no inap long helpim wanpela man. Yu lusim wanpela meri na yu painim narapela wantaim wankain hevi. Yu ting olsem bai yu painim amamas na stap olsem gutpela marit taim yu tanim baksait long namba wan meri bilong yu? Yu bin helpim meri bilong yu, olsem toktok long en na painaut watpo em i laikim narapela man na i lusim yu? Yu lainim samting long nambawan ekspiriens na namba wan marit bilong yu? I bin gat sampela hevi long sait bilong yu? Bai i moabeta sapos yu tingting long ol dispela poin.

Nau long painim narapela meri, Lalplain em i wanpela ogenalsesen long



helpim givim tingting long ol man na meri i gat hevi tasol mipela i no inap givim aut nem na etres. Na tu, Lalplain i no save wokim rot o helpim ol kain i bung na stretim rot long marit.

I gat sampela rot long bungim patna na save long ol. Sapos yu go long sios, bai yu bungim wanpela meri. Na long wokples, i gat sampela meri husat i no marit i painim patna i stap. Yu ken raitim pas i go long Wantok Penpren Kona na givim nem na ol arapela stori bilong yu na wetim long kisim bekim.

Long wankain taim tu, noken hariap long painim

meri hariap.

Marit i min olsem man na meri i mas save long wanpela arapela pastaim. Ol i mas bung, toktok, save long wanpela arapela gut, toktok long marit na ol samting ol i save laikim. Yumi save kolim dispela taim bilong "engagement". Bihain long sampela taim, taim tupela i pilim olsem ol i laik marit, stap wantaim laikim wanpela narapela na bai ol i gat pikinini, tupela bai go long sios na toksave long minista o pater long kisim blesing bilong God long marit bilong ol. Planti i save go tu long gavman na rejistarim marit bilong ol.

Mipela i hop na pre olsem bai yu painim rot long stretim wari na painim gutpela meri husat i ken kamap olsem meri bilong yu.

Lalplain

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telipon namba 3260011. Raitim trupela nem na etres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.

- Lalplain

Namba wan Raba bod i kamap

Stephanie Gimo na Salome Vincent i raitim

DIPATMEN bilong Agrikalsa na Laipstok (DAL) i tokaut pinis long ol man ol i makim long stap long namba wan Raba bod bilong kantri.

Oi i makim dispela bod bihainim lo bilong kantri na sanapim long namba 18 de bilong mun Oktoba dispela

ya. Minista bilong Agrikalsa na Laipstok Sasa Zibe i tok olsem Papua Niugini i gat planti gutpela ol risos we bik man i givim.

"Ol risos we mipela i gat insait long kantri em i olsem laiplain bilong mipela na tu helpim long mekim moni bilong ol manmeri na tu bilong kantri," Minista Zibe i tok.

Em tok tu olsem em i wok

bilong DAL long lukautim dispela ol risos i stap gut insait long kantri.

"Raba olgeta taim i save stap long aninit long ol narapela kes krop olsem kopi na kopra na nau em i taim bilong mekim senis na givim luksave i go long raba bilong wanem em i ken kisim bikpela mani i kam insait long kantri," Minista Zibe i bin tok.

Em i salensim i go long ol bod memba olsem ol i mas wok wantaim long bungim ol mak we ol narapela ol komoditi i mekim pinis na tu ol i mas bungim laikim bilong ol stekholda, ol bisnismenmeri, gavman sekta na ol pipel bilong kantri.

Nupela bod Siaman Elias Wohengu i tok olsem em wantaim ol narapela bod memba bai stat pastaim

wantaim lukluk bilong ol i go insait long Akt bilong Raba Bod na tu bai ol i wok strong wantaim long kirapim Raba Bod insait long kantri.

"Mipela bai wok bung wantaim long putim go insait long bod ol lo we bai i mekim na kirapim ken raba bod," Mista Wohengu i tok. Mista Wohengu em wanpela Dairekta Jenerel long Foren Afes na tu em

man we i go pas long ol komoditi afes bilong kantri.

Oi narapela bod memba bilong Raba Bod em Julius Yoeh husat i makim Privet Sekta insait long bod, Anton Benjamin husat em Seketeri bilong DAL, Samson Joke husat i stap long bod olsem wanpela dairekta na Robert Baiya husat i stap olsem Deputi Siaman bilong Raba Bod.



NAMBAWAN RABA BOD: Julius Yoeh, Elias Wohengu, Robert Baiya, Minista bilong Agrikalsa na Laipstok Sasa Zibe, Anton Benjamin na Samson Joke.

Raunim wol wantaim wilwil



INAPIM PINIS: Cyril Cointre na poroman bilong em Clement Latour antap long het bilong Maunten Wilhelm wantaim ol wilwil bilong tupela.

Australia na Indonesia na bihain ol i kam insait long Papua Niugini na ol stap pinis olsem tripela wik. Oi i kam olsem long Jayapura, Vanimo na kisim sip long hap i kam long Madang. Oi i ron long wilwil bilong tupela go daun long Saut Kos bilong Madang i go long Kegesoul wantaim kago bilong tupela we i moa long 40kg. Oi i tok dispela ron bilong ol i sotpela tasol i hat moa.

Haiwe bilong Saut Kos rot bilong Madang i no gutpela tumas long wanem em i graun tasol i go. Dispela tupela man i tok ron bilong tupela i sot tasol rot i no gutpela tumas taim ol i abrusim Watarais long Lae na bihainim Hailans Haiwe i go long olsem long Kassam Pas. Ron bilong tupela mas hat tru long wanem tupela i karim 45kg kago i go long Goroka long Isten Hailans provins. Bihain tupela i lusim Goroka na bihainim Daulo Pas i go long Kundiawa long Simbu provins.

Ron bilong tupela we tupela i tok i nogut tru tasol tupela i laikim yet em taim tupela i go ronim wilwil i go long as bilong hai maunten bilong PNG, Maunten Wilhem we i stap olsem 4509m insait long Simbu provins. Long dispela taim, Clement i burukim wil bilong wilwil bilong em na em pusim wilwil i go olgeta antap long maunten.

Cyrl husat i karim wilwil bilong em tu i go olgeta antap, i tok i hatpela wok long wanem baksait na sol bilong em i kisim bikpela pen tasol em i strong na go olgeta antap long maunten.

Tupela i amamas tru long raun bilong tupela i kam long PNG na ol i tok amamas long ol manmeri bilong kantri na long ol ples ol i go lukim long wanem ol i kisim gutpela helpim na lukaut bilong ol pipel.

Nau ol i stap long Madang wetim tasol long kalap long sip i go bek long Vanimo na bihain go hapsait long Indonesia. Oi i laik long go raun long kantri Melesia na Tailen. Bikpela laikim bilong tupela stret em long kalapim namba wan bikpela maunten long wol, Maunten Evarest long kantri Nepal. Oi laik long pinisim ron bilong tupela namel long mun Epril na Mei 2007.

Bung long sevim environmen

Dania Namari i raitim

WOL Waid Fan bilong Neitsa (WWF) o ol i save kolim tu Wol Wail laip Fan i holim wanpela 2-pela de woksop long Yunivesiti bilong Papua Niugini long painim sampela rot long lukautim gut ol ples tambu insait long kantri.

Ples tambu o protektet eria em ol ples ol i putim tambu long katim diwai o wokim kain kain bisnis long em.

Oi lain i bin lukluk gen long eria i stap aninit long ol banis bilong lukaut lo pinis na long eria we bai go aninit long proteksen lo bihain taim, long lukim sapos i gat rot we ol i ken kisim semis i

go long ol komyuniti, gavman na ol non gavman stekholda long lukautim baiodalivesiti o ol samting i stap insait long busgraun na wara bilong kantri

Oi i bin lukluk tu long sampela ripot we PNG WWF na Dipatmen ov Environmen na Konsevesen (DEC) i bin w o k i m . Sampela ol samting i bin stap insait long ripot bilong ples tambu long PNG em wok wantaim long kamapim lo na polisi, wok patnasip, wok strongim save na trening, edukesen na awenes.

Oi i bin laik tanim dispela ripot long eksen pleri long traim lukautim ol busgraun na ol eni-

mal, diwai na olgeta samting i stap insait long ol tumbuna i kam bihain i ken kisim gutpela samting tu long en.

"Mipela i painim wei bilong helpim ol protektet eria insait long PNG husat i no wok long mekim ol i wok," Ruby Yamuna em sinia protektet eria opisa bilong woksop i tok.

Oi NGO ogenaisesen husat i bin stap insait long dispela woksop em The Nature Conservancy, Conservation International, Department of Environment and Conservation, Wildlife Conservation Society na Landowners Trust of PNG.

Oil Search i helpim haus sik wantaim komputa masin

Salome Vincent na Dania Namari i raitim

OIL SEARCH Limited i bin givim faipela komputa wantaim waiates intanet sevis long sejikel wod bilong Pot Mosbi Jenerel Hausik (PMGH).

Manimak bilong olgeta dispela masin em K36, 000.

Din bilong Fekalti bilong Medikel Skul Dokta Isi Kevau i tok, bipo ol dokta long sejikel wod i no gat gutpela rot bilong kisim helpim long ovasis long sampela wok painimaut bilong ol, tasol nau, em it tok dispela intanet sevis bai helpim ol long wokim wok bilong ol gut.

Man i kamap wantaim dispela tingting long putim waiates intanet em Profesa Sydney Chung. Dokta Chung em wanpela sejen na em i bin wok long sejikel wod bilong Pot Mosbi Jenerel Hausik moa long tupela ya. Em i bai go bek long ples bilong em bihain long ol sejikel sumatin bilong medikel fekalti i pinisim ol tes bilong ol.

Dokta Chung i save givim trening long ol wokmanmeri bilong sejikel wod na tu givim skul bilong sejeri long ol sumatin bilong medikel fekalti.

Em i tok dispela waiates intanet na wok bilong lukautim gut ol dispela komputa bai go inap olsem tripela ya. Menesmen bilong hausik bihain bai putim fi bilong yusim dispela sevis.



Bisnis bilong Groim Diwai
insait long PNG
- Planim diwai long
ol renfores eria

Rot bilong groim ol spisis diwai i save groa insait long PNG
DRYADODAPHANE NOVOGUINEENSIS




Lip bilong diwai Sassafras.

Bikpela nem: Sassafras

Bisnis nem: Sassafras,
PNG

Wanem kain diwai:
Wanpela bikpela diwai i save
groa inap 38 mita longpela na
namel bilong em i save go
inap 1 sentimita raunim.
Bikpela bun bilong em i stret.
Het bilong em i namel sais na
i op.



Flaua bilong diwai Sassafras.

Ol plaua: Em i grin na yelo.
Bikpela bilong em 6 milimita,
na i gat 8-pela ai bilong en.

Ol Prut: Wanpela prut we i
gat gras insait raunim sid
bilong en. Ausait skin bilong
prut i strong na longpela liklik.
Maus bilong em i raun.

Ples em i save groa: Insait
long ol ples daun lain diwai
insait long olgeta hap bilong
Papua Niugini, wantaim ol
Nothfagus, Podocarpaceae,
Cunoniaceae na Myrtaceae.


Skin diwai: Bikpela bilong
em namel long 2.5 na 3 sen-
timita, ausait skin diwai bilong
em grei braun, em i smut na i
gat wan wan bikpela hap i
save bruk bruk. Namel skin
diwai em i ret i go yelo. Insait
skin diwai bilong em i yelo, i
nogat planti rop, na i gat liklik
smel bilong en.

Timba: Em i no hevi tumas
na i malumalu, kala bilong em
i yelo.


McCarthy & Associates (Forestry) Pty. Ltd.
National & International Forest Consultants
mccaf@datec.net.pg

"Long kisim tok stia long olgeta wok diwai"

Wara sevis bai op bikpela long Mosbi



SENISIM: Ol bikpela paip bilong wara i kisim ples bilong olpela paip insait long siti. Em bilong stretim ron bilong wara long ron gut long olgeta haus na hap long Mosbi siti.



NUPELA MITA: Em dispela nupela ripeit mita bilong wara we ol wokman i traim long wanpela haus long Waigani. Dispela masin bai kam kostu. Wara sevis bai op bikpela long Mosbi

MOSBI SITI bai kisim gutpela wara saplai wantaim gutpela hap bilong ol pipia i go long en long bihain taim. Dispela em toktok bilong Eda Ranu, wara kampani long Mosbi siti.

Eda Ranu i mekim dispela toktok las wik taim em i amamasim namba 10 yia bilong en long bisnis bilong wara bihain long em i tekova long dispela sevis long han bilong Nesenei Kapitel Distrik Komisn (NCDC) long 1996.

Siaman bilong Eda Ranu Timothy Bonga i tokaut olsem nau kampani i stretim pinis ol paip na ol tang bilong pulim wara i kam na saplaim long siti

na em bai ol masin bilong glasim amas wara i go na amas wara i stap ol i kolim telemetri. Bai dispela i ken givim piksa long amas wara ol pipel na bisnis haus long Mosbi bai kisim bihainim mak bilong ol.

Dispela tu bai stopim ol wara long noken ron nating o lus nabaut long ol setelmen o bruk paip nabaut long rot. Wara saplai bilong Eda Ranu i save go tu long ol asples bilong Motu, Koitabu olsem Roku, Koudrika, Porebada, Tatana, Baruni, Pari na Hanuabada.

Mista Bonga i tok wankain tu kampani bai kamapim wanpela bikpela haus masin bilong bungim olgeta

pipia wara bilong toilet o haus kuk samting. Dispela masin bai bungim olgeta pipia wara na brukim wantaim ol marasin na bai klinpela waitpela wara bai go daun long solwara we bai i nogat bagarap long solwara o nambis na ol abus bilong solwara. Taim dispela i kamap oraif ol paip o sistem we pipia wara i save ron long en insait long siti bai kamap gut tru. Dispela em bikos namba bilong ol pipel long Mosbi siti i bikpela na sistem o paip bilong karim ol pipia tu i mas go bikpela wantaim namba bilong ol pipel.

Mista Bonga i tok taim kampani i bin stat long 1996 i bin nogat wanpela helpim mani i kam long Gavman. Tasol wantaim sapot na wok bung wantaim bilong ol bisnis haus na ol bisnis patna husat i gat bilip long dispela wara bisnis, kampani i stat long mekim mani na gro go antap.

Tasol Mista Bonga i tok dispela Gavman bilong Somare i givim bikpela sapot tru long Eda Ranu long ol wok bilong en na olsem na em i gat bilip olsem kampani bai ron gut yet long givim moa gutpela sevis long ol pipel na bisnis haus long Mosbi siti.


Jenerel Menesa Billy Imar tu i tok amamas long ol bisnis patna long wok bung wantaim Eda Ranu na bai kampani i go het yet.

Mista Imar i tok taim kampani i bin stat long 1996, em i kisim ol samting bilong wok long NCDC tasol i nogat mani i kam long gavman. Taim em i mekim liklik mani, ol mani ya i go bek long karimaut ol wok bilong em inap dispela yia we em i mekim liklik profit na peim win mani go bek long gavman. Narapela K6 milien em bekim dinau bilong em wantaim NasFund we em bin kisim long 1996 olsem dinau long ranim wok bilong em.

Lukluk bilong kampani nau em long ol sampela nupela projek olsem botol wara, pri paid mita bilong wara na Haba Sait projek em long Napa Napa rifaineri we Eda Ranu bai saplaim ol wara sevis go long ol.

Cat® 120H Motor Grader

blends productivity and durability
to give you the best return
on investment.



Matched and Balanced Components

The Cat® 3126B DITA ATAAC is designed to handle the tough loads. Variable Horsepower matches torque curves to the gear to maximize response, power and efficiency. Dual air system and multi-disc oil brakes assure reliable braking control.

Operator's Station

Low effort blade controls, electronic throttle control, EMS III monitoring system, and improved ventilation provide world-class operator control and comfort. Excellent visibility to the front and rear increase operator confidence and productivity.

Servicability

Caterpillar® re-engineered inspection and service points, grouping them into a convenient ground level 'service center'. Ground level fueling and extended engine and hydraulic oil change intervals help minimize downtime.

Hastings Deering



PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

Product People Commitment.

We deliver.

	PHONE	FAX
LAE	472 2355	472 1477
TABUBIL	548 9162	548 9155
RABAU	982 1244	982 1129
LIHIR	986 4105	986 4107
KIMBE	983 5144	983 5144

SOFBOL

Pot Mosbi Man

Bisini Graun. Raun 1

Sande Novemba 12, 2006

Daimon 1

10:00 AW Bears vs Bullets A

11:30 Manalos vs Gazelle A

01:00 Dolphins vs Samurai A

02:30 Kopex vs Brown Eagles A

04:00 Elcom vs Malangan A

Daimon 2

08:30 Brown Eagles vs Dolphins B

11:30 Malangan vs Kopex B

01:00 AW Bears vs Elcom B

02:30 Manalos vs Gazelle B

04:00 Bullets vs Samurai B

12:15 VEUPU 2 vs DHL D8

12:15 EFM vs STC HDW D8

12:15 SINTON vs MRDC D8

Kot 10

11:30 ESCO 1 vs 2nd TIME ARND D9

11:30 NPS vs SRE D9

11:30 EMTV vs NGO D9

1:30 ASL vs NIKAS D9

Kot 11

11:30 ESCO 2 vs YELPGS D10

11:30 RAPID FONES vs KINA 2 D10

11:30 VEUPU 3 vs SNS D10

11:30 REMINGTON vs KKK D10

Kot 12

11:30 SIKA vs Y&W D12

11:30 SBS vs CCA D12

11:30 GLOBAL 2 vs BNG TRADING 1 D12

11:30 ANZ vs BNG TRADING 2 D12

Pot Mosbi meri

Bisini Graun. Raun 1

Sarere Novemba 11, 2006

Daimon 1

09:00 Malangan vs Gazelle B

10:30 AW Bears vs Kopex A

Daimon 2

09:00 Malangan vs Gazelle B

10:30 AW Bears vs Kopex A

12:00 Gazelle vs Admiralty B

01:30 Kopex vs BRE Wantoks A

Daimon 3

09:00 Admiralty vs Dolphines B

12:00 Stingerz vs Tikina A

12:00 Manalos vs Malangan B

01:30 Tikina vs AW Bears A

PABLIK SEVENS

Gem 1

Sarere novemba 11, 2006

Kot 2

10:15 Finance 1 vs Paarliment P

11:00 Telikom 1 vs NJSS 1 P

11:40 Works 1 vs NBC 1 P

Kot 3

10:15 PM & NEC 1 vs Waterbrd D1

11:00 Telikom 1 vs NJSS 1 D1

11:40 Works 1 vs NBC 1 D1

Kot 4

10:15 Auditor vs NCDC D2

11:00 PNG Power 1 vs PC Staff 1 D2

11:40 Telikom 2 vs IRC 1 D2

Kot 5

10:15 CPTR vs NFA D3

11:00 CAA vs C/Develoment D3

11:40 Naqia vs M/Services 1 D3

Kot 6

10:15 NJSS 2 vs Harbours D4

11:00 Defence vs PNG Spots D4

11:40 Finance 2 vs NAC D4

Divisen 5

09:30 PNG Power 2 vs Works 2 Kot 3

10:15 Labour vs NBC 2 Kot 1

11:00 PM & NEC 2 vs OC Eagles Kot 1

11:40 Telikom 3 vs M/Services 2 Kot 1

Divisen 6

09:30 Forest vs PC Staff 2 Kot 2

10:15 Foreign Affairs vs Prov. Aff Kot 7

11:00 Health vs Finance 3 Kot 7

11:40 Tourism vs IRC 2 Kot 7

NETBOL

PRAIVET KAMPANI

Gem 1

Sarere Novemba 12, 2006

Kot 2

01:00 BSP vs DATEC1 P

01:30 FDL vs OSL P

02:00 BBELL vs AHC P

02:30 KINA 1 VS GFI P

Kot 3

01:00 PRYDE vs KENMORE D1

01:30 STC FIN vs DALTRON D1

02:00 POMTRANS VS WPAC D1

02:30 DATEC 2 KUMUL D1

Kot 4

01:00 PNGSF vs MOORE D2

01:30 COURTS vs NTIL D2

02:00 QBE sv LBC D2

02:30 THEODIST vs STC SHIPPING D2

Kot 5

01:00 HDPNG vs POSF D3

01:30 BBELL 2 vs MIRUPASI D3

02:00 PWC vs SPB D3

02:30 NATIONAL vs BYE D3

Kot 6

01:00 B-BROS vs FINCORP D4

01:30 JOHNSTONS vs C/BROS D4

02:00 ANG vs BSP 2 D4

02:30 MEDDENT vs ANDERSONS D4

Kot 7

01:00 RENOS vs ELA MTRS D5

01:30 CUL DEL vs PARAKA D5

02:00 BKO MTRS vs RH 1 D5

02:30 C/PHARMACY vs C21 D5

Kot 8

01:00 ARNOTTS vs R/WHITE D6

01:30 PAC IND vs STC HOTELS D6

02:00 NASFUND vs ABLE COMP D6

02:30 APNG vs BYE D6

Kot 9

01:00 KASSMAN vs DELOITTES D7

01:30 COPYTEK vs VEUPU 1 D7

02:00 IPA vs PORCLEAN D7

02:30 GLOBAL vs STARFISH D7

Kot 1

12:15 PDE & i vs TEMIS D8

McGregor Youths SA

Round 11

Sarere Novemba 11, 2006

08:00 Trench Town vs Dever Brothers C Tas

08:50 Back Street vs PS Warriors C Tas

09:40 Gost Town vs Top Street B Tas

10:50 Trench Town vs Dever Brothers Meri soka

12:00 Souths Power vs Country Sharks B Tas

01:10 Souths Power vs Country Sharks Meri soka

02:20 Ghosts Town vs Top Street A Tas

03:50 Back Street vs PS Warriors A Tas

Sande Novemba 12, 2006

08:00 Gost Town vs Top Street C Tas

08:50 Souths Power vs Country Sharks C Tas

09:40 Trench Town vs Dever Brothers B Tas

10:50 Ghosts Town vs Top Street Meri soka

12:00 Back Street vs PS Warriors B Tas

01:10 Back Street vs PS Warriors Meri soka

02:20 Trench Town vs Dever Brothers A Tas

03:50 Souths Power vs Country Sharks A Tas

Ol meri pilai ragbi



OL MERI TU YA: Ol meri bai kirapim das long ragbi yunion long Pot Mosbi stat long tete i go tumoro. Hia ol i mekim sampela trening bilong ol long Bava Pak long dispela wik.

Andrew Molen i raitim

I NO ol man tasol i save pilai ragbi yunion. Nau ol meri tu bai soim strong bilong ol long dispela spot we longpela taim tru ol man tasol i save pilai.

Las wik Fraide long Pot Mosbi ol i lonsim "Rookie 7's" ragbi tonamen bilong ol meri we bai stat long tude Fonde na pinis long tumora. Dispela kompetisen bai lukim ol meri yet i traim bun

long ragbi 7's we ol bai ron, kik, kalap, bam na takol olsem ol man.

Inap olsem wanpela mun nau ol i wok long mekim trening na kamap long ol liklik pilai olgeta Sande long redi long dispela tonamen.

Meri i go pas long dispela resis bilong ol meri, Cybele Druma i tok em i amamas long lukim olsem planti meri soim laik long stap insait long dispela tonamen.

"Moa long 70-pela meri

save kamap long trening na moa long 100 i save kamap long taim bilong pilai na dispela i gutpela," Druma i tok.

Em i tok dispela em i namba wan taim long histri bilong Papua Niugini bilong ol meri long pilai ragbi yunion na em i wanpela bikipela samting.

Druma i tok tingting long kamapim dispela tonamen i stap bipo yet tasol i no gat inap moni.

Wari bilong ol long moni pinis taim "Oil Search Ltd" na "Teachers Saving and Loans Society" i givim sapat long ol olsem bikipela sponsa.

"Mi laik tok amamas tu long ol arapela sponsa husat i givim han," Druma.

Dispela tonamen tu i lukluk long ol man long kamapim 7's tim bilong PNG long go pilai long Hong Kong 7's na tu wanpela anda-19 tim.

Astingting bilong Rookie 7's program em long sapatim na developim ol yangpela na nupela pilai na tu long kisim moa yut i go insait long dispela spot bai ol i noken stap nating na painim birua wantaim lo na oda.

Cowboys laik helpim POMRFL

Andrew Molen i raitim

NOT Kwinsien Kaubois (Cowboys) i tok ol i laik helpim Pot Mosbi ragbi lig long developim ol pilaia, kosa na ol arapela.

Seif eksekutiv opisa bilong Cowboys, Peter Par i tok ol i laik helpim long strongim ragbi lig long Pot Mosbi na Papua Niugini na i laik helpim long developim ol pilaia na ol kosa, refri na ol arapela.

Em i mekim dispela toktok long las wik Sarere long Pot Mosbi taim Pot Mosbi Ragbi lig i mekim presentesen bilong ol bilong dispela yia.

Par i tok ol Cowboys i kam long longpela rot tru long gem bilong ol na ol i laik helpim long hapim levul bilong ragbi lig long Pot Mosbi.

"Bipo mipela i save bungim planti hevi na i no winim planti gem tasol nau mipela i senisim sampela

samting na i lukim olsem mipela i wok long winim planti gem nau," Par i tok.

Em i laik bai POMRFL i kisim sampela bilong ol dispela save na yusim long helpim ol long hapim standet bilong pilai na ronim gut resis long Pot Mosbi.

- Par i tok ai bilong em i op tru long harim olsem 14-pela tim i stap insait long Pot Mosbi ragbi lig resis long 3-pela divisen.
- "Yupela fit lain tru na mi tok amamas long yupela long ronim kain bikipela kompetisen olsem," Par i tok.
- Man i putim planti trai - Anda 19-Mahuru Dai (Hawks)
 - Risev Gred- Alex Kaia (Butterflies)
 - A Gred- Vani Morea (Hawks)
 - Man i kikim planti gol - Anda 19-Mahuru Dai (Hawks)
 - Risev Gred- Micky Omaro (Maganl)
 - A Gred- Nelson Wanga (Defence)
 - Man i skoaim planti poin - Anda 19- Mahuru Dai (Hawks)
 - Risev Gred- Alex Kaia (Butterflies)
 - A Gred- Nelson Wanga (Defence)
 - Sampion klab - Hekari Tarangau
 - Administrata bilong yia -Richard Wagambie (Paga)
 - Refri husat i apim wok bilong em - Benson Kaupa
 - Kosa bilong yia - James Naipao (Tarangau)
 - Pilaia bilong yia - Charles Onguglo (Tarangau)
 - Gutpela nupela pilaia bilong yia -Larson Marabe (Dobo)

BOROKO KLAB SEMPIONSIP:

Judith Meauri

wanpela nem PNG Swima husat i bilong Boroko Swimming klab we em bai swim long klab sempionsip long dispela wiken wantaim planti arapela swima long Sir Donald Cleland Pul long Taurama Lesa Senta Dispela sempionsip i wanpela bikipela sempionsip

Foto: PNGSI

Ol Japan hos mekim rekot long winim Melbon Kap

DISPELA Tunde em i namba wan taim long ol Japan hos i winim Melbon Kap.

Delta Blues i kamap pas na Pop Rock i kamap namba tu. Liklik hap nus bilong Delta Blues i mekim em i kamap namba wan tasol sapos nogat tupela wantaim i luk olsem i win.

Na long win bilong tupela planti manmeri long wol husat i putim ai long dispela resis i bin kirap nogut long win bilong tupela.

Delta Blues em Japan man i ronim. Yasunari Iwata na Pop Rock em Australia biknem man Damien Oliver i ronim.

Yasunari husat i no save long tok Inglis i

makim long maus tasol i krai wantaim i tok em i amamas long win bilong hos bilong em.

Ol manmeri i bin putim ai long favoret hos Tawqet tasol em i no bin kamap.

Long moning taim ren i bin kam na olsem planti hos we i mas mekim gut long dispela de i bin mekim olsem.



MELBON KAP: Tupela hos Delta Blues (rait han) na Pop Rock i stap klostu klostu long pinis bilong resis. (Insait foto) Delta Blues raida Yasunari Iwata (lep han) na trena bilong hos Katsuhiko Sumii i amamas long win.

Kidwell redi long bungim ol Laions

STRONGPELA Nu Silan fowat David Kidwell i tok saspensen na sas bilong Australia fowat Andrew Mason bai i no inap long pasim em long mekimsave long ol Laion taim Gret Britan i bungim ol Nu Silan long Wellington, Nu Silan long dispela Sarere.

Na planti manmeri i bilip dispela bai wanpela strongpela pilai tru long wanem dispela pilai i bikpela samting long tupela- moa yet long ol Nu Silan sapos ol i laik kisim sans long go insait long Trai Nesen fainol na difenim taitol bilong ol.

"Stap wantaim tingting bilong yupela, mipela bai pilai wantaim olgeta strong na save bilong mipela na mi bilip dispela bai wankain long ol Ingran tu," Kidwell i tok.

Ol Ingran i winim Australia na bai lukluk tasol long dispela pilai long helpim ol long go insait long ol fainol.

"O yes em i tru na olsem mipela tu i wok long redi gut long dispela pilai," em i tok.

Bikpela fowat bilong ol Ingran Stuart Fielden i bin kisim taim nogut long nus bilong em long han bilong Willie Mason tasol Kidwell i no lukluk planti long em long surukim wankain pilai bilong em.

"Stuart i kam wantaim biknem long pilai long fowat na taim em i stat long mekim nois dispela bai kirapim skin bilong ol Ingran long go tasol."

Na long taim Kidwell i mekim dispela ol toktok ol opisel bilong Nu Silan i mekim 6-pela senis pinis long tim bilong ol.

Ol kisim bek Steve Matai, Shontayne Hape na Dene Halatau bihain long ol i kisim bagarap na dispela Kidwell i tok bai strongim tru sait bilong ol.

"Em i gutpela long mipela i kisim ol bek, em i gutpela long mipela i kisim bek ful 17-pela pilaia bilong mipela."



MI KAM: Strongpela Nu Silan fowat David Kidwell i mekim wanpela ron bilong em.

Mason bai i no inap long mekim apil



KANGAROO fowat Willie Mason bai i no inap long mekim apil long dispela mekimsave em i kisim long Intanesenol ragbi lig jas.

Mason i kisim mekimsave long ol i no ken pilai long wanpela Tes pilai. Moa yet em bai baim asua bilong em long K14,500 (AUS\$5,00) long em i tromoi han long Gret Britan fowat Stuart Fielden.

Dispela i min olsem Mason bai kambek long pilai fainol long Novemba 25 long Brisben wantaim Nu Silan o Ingran sapos wanpela bilong ol i win.

Long las Sarere pilai Australia i go daun long Gret Britan 23-12.

Noble: Lions redi long kisim kap

GRET Britan kosa Brian Noble i bilip ol i kamap long mak we ol inap long winim Trai Nesen kap.

Na em bai mekim olgeta samting long lukim tim bilong em i pilai gut long lukim dispela tingting i karim kaikai.

Dispela em bihain long ol i winim Australia 23-12 long las Sarere pilai bilong ol.

Long namba wan pilai bilong ol egensim Nu Silan long Christchurch long tupela Sarere i go pinis ol i go daun long Nu Silan 18-14.

Tasol ol i kisim tupela poin long dispela pilai bihain long ol i kros na askim Trai Nesen jas long wanem Nu Silan i kisim Nathan Fien we em i bilong Australia.

"Long ol de i go pinis mipela inap

long tok olsem mipela i guria guria. Tasol nau i no moa," Noble i tok.

"Mipela i wok long bagarapim ol set bilong mipela tasol dispela i mekim i go inap long mipela i winim pilai bilong mipela," em i tok.

"Planti lain bai i nogat bilip long supa lig tasol em i no pilai nating," em i tok taim em i ting olsem dispela lig nau i wok long kamapim ol biknem ragbi lig pilaia.

"Mipela i gat sampela ol gutpela pilaia insait long resis na mi amamas tru long Kirk Yeaman long namba wan bikpela pilai bilong em na Jon Wilkin. Ol i soim, maski mipela i liklik tim, olsem ol tu em ol pilaia husat i ken kamapim wari long kem bilong ol birua."

Nu Silan kisim Tigers yutiliti long pilaim Gret Britan

WEST Tigers yutiliti Dene Halatau i senisim Nathan Fien long pilai olsem huka long Nu Silan skwat taim ol bungim ol lain Ingran long dispela Sarere.

Halatau i kam bek long Kiwi lain hap bihain long em i malolo long kisim bagarap long namba wan pilai taim ol Kiwi i pilai wantaim. Australia long Oklen, Nu Silan.

Em i kisim ples bilong Fien husat em i gat planti kros pait i bin

kamap long em brukim lo long pilai wantaim ol Nu Silan. Tumbuna, tumbuna mama bilong Fien i bilong Nu Silan na olsem em planti tumbuna bipo long em i ken tok olsem em i bilong Nu Silan. Lo bilong Intanesenol Ragbi lig i tok em i bilong ol Australia nau.

Bikos em i bin pilai wantaim Nu Silan na ol i winim Gret Britan Intanesenol Ragbi i rausim tupela poin bilong ol na givim long

Gret Britan.

Tasol kam bek bilong Halatau i wanpela bilong tripela senis we i kamap long kem bilong Nu Silan.

Ol narapela em Steve Matai husat bai pilai long senta na Nigel Vagana long faiv eit.

Winga Shontayne Hape i kam bek bihain long win bilong ol egensim Gret Britan long Christchurs na Adam Blair i kisim ples bilong Jason Cayless

na bai kam insait long risev.

Ful tim bilong Nu Silan em Brent Webb, Shontayne Hape, Iosia Soliola, Steve Matai, Manu Vatuvei, Nigel Vagana, Stacey Jones, David Fa'alogo, Simon Mannering, David Kidwell, Roy Asotasi, Dene Halatau, Ruben Wiki (c). Senis em Motu Tony, Nathan Cayless, Adam Blair na Frank Pritchard. Kosa me Brian McClennan.

Dowling kros long ol Ingran

KANGAROO kosa Ricky Stuart i kros long Trai Nesen jas na tok ol bai lukluk gut long mekimsave ol i givim long Willie Mason.

Dispela mekimsave em bipo Australia prop Greg Dowling i tok i wanpela bilong ol pilai jas m ol i givim.

Em i tok kain asua em Mason mekim long tromoi han long ret Britan fowat Stuart Fielden no bikpela tumas long samela ol asua pastaim long dispela we ol jas i no bin sasim long em.

"Mi laik lukim ol arapela lain i kisim wankain mekimsave em

Stuart i kisim long dispela Sarere nait," Stuart i tok.

Mi tok pastaim olsem ol kosa i bin kisim tok olsem ol i no ken stap insait long kain kros olsem na mi no laik long mekim wanpela samting," em i tok.


"Na mi laik long go insait long mekim ol kros tasol kain sas i kamap i kirapim bel bilong mi long mi mas mekim ol toktok."

Dowling i gat nem long em i kisim wanpela mekimsave long 1985 pilai taim em i pait wantaim Kiwi Kevin Tamati na i kisim sas long em i no ken kamap long wanpela Tes pilai

na i mas baim kot long AUS\$5,000.

"Narapela man husat i kam long pait wantaim Mason em Jamie Peacock na dispela Dowling i tok em Peacock i mas kisim mekimsave. I no Mason. Mason i tromoi han bikos long tok nogut em i mekim long Mason na Peacock i kam pait nating taim Mason i paitim em i go daun," Dowling i tok.

"Ol jas bilong Trai Nesen i tok larim dispela hevi stap tasol long pilai grauri tasol ol Ingran i toktok yet long kisim dispela hevi i go long kot," em i tok.



KISIM PLES BILONG FIEN: Dene Halatau i kisim takol long Cronulla Sharks hap bek na kepten Brett Kimoreley long wanpela NRL pilai bilong ol bipo.

LAE BISCUIT CO.

LAE BISCUIT CO.
BIKPELA NA STRONGPELA

WANTOK

S P O T S

LAE BISCUIT CO.

LAE BISCUIT CO.
BIKPELA NA STRONGPELA

**Inglan
amamas
long
winim
Australia**



Lukim stori
long pes 26

**Enga soka
tim makim
PNG long
Arafura
Gem**

Lukim stori
long pes 27

**Vanimo
kisim
trukai
Yut Spot
progrem**

Lukim stori
long pes 27

Madang mas stopim Momads



Foto: ANDREW MOLEN

BILONG MI: Welgris Momads pilaia (rait han) i laik kisim bal long Gelle Hills Nathan Vincet long pilai bilong ol long tupela wiken i go pinis long Bisini soka graun. Dispela wiken tim bilong em bai traim long mekimsave long Madang gen bihainim mak em ol Hills i mekim long las wiken.

Bustin Anzu i raitim

SAPOS Aloius Kingsley Madang Fox i tingting long stap insait long dispela bikpela Nesinol Soka Lig (NSL) na ron insait long fainol, nau em taim bilong ol long winim Welgris Momad taim tupela i bung long dispela wiken.

Ples em ol opisel i no tokaut yet tasol ol i ting long holim long Goroka, Isten Hailans provins o long Lae, Morobe provins.

Dispela em i wosaut pilai we tupela i no bin pilai long em yet.

Dispela pilai bai ol sapota bilong tupela tim bai kamap long ful fos long givim sapot bilong ol.

Fox bihain long lus bilong ol long Gelle Hills 5-1 nau bai mas tingting gut na stretim lek bilong ol bipo long ol i kisim ol Momads.

Na oisem ol Momads tu i wok long painim sans long go insait long ol fainol na

sapos dispela em i sans ol bai mekim olgeta samting long go insait.

Las wik ol mangi Mosbi i mekim ol mangi Madang i luk longlong na paul nambaut long pilai soka long ples bilong ol yet long las wik na sapos Madang i silip yet ol Hagen bai givim ol wankain marasin.

Dispela tingting hait bilong Momads long winim ol tim wantaim bikpela ol skoa lain i strong yet na Madang tim ol bai yusim dispela hait plen bilong ol.

Pilai-meka bilong Madang Adrian Komu i no bin pilai ful tim long las wiken bilong long kisim bagarap insait long fil na dispela i bin givim strong long Mosbi long winim ol. Oisem em i mas kam bek insait long fil long pilai na givim sapot ol long tim bilong em.

Komu, husat i go pas wantaim gutpela rekot bilong wanpela gutpela pilaia i save

oisem em i mas kam bek gen long winim dispela taitol.

Siaman bilong NSL John Kapi Natto i tok bikos long dispela ol i surukim ol semi fainol pilai we bai kamap long Lae i go bek long narapela wik. Na gren fainol pilai bai kamap long Pot Mosbi long tupela wik bihain gen.

Em i tok maski i gat kankain tok baksait NSL resis, komiti bilong em i amamas long wanem ol i kam long arere bilong resis wantaim gutpela amamas na bel isi. Dispela i soim gutpela sain bilong planti ol gutpela samting we NSL bai kamapim.

"Long dispela rot tasol em mipela i ken kisim soka i go long narapela level. I nogat planti asua taim dispela bikpela soka pilai i kamapim na mipela i wanbel wantaim ol sponsa na sapota bilong lukim dispela pilai i kamap gut inap long ol fainol," em i tok.

Coleman LIGHTING

<p>model: 5307700 code: 172991 FLASHLIGHT WIDEBEAM 2D K49.00</p>	<p>model: 5307750 code: 172988 FLASHLIGHT WIDEBEAM 2AA K32.50</p>	<p>model: 61190 code: 172990 TORCH DYNAMO K35.00</p>	<p>model: 5326700 code: 159579 RUGGED U-TUBE BATTERY LANTERN FLURO 4D K89.00</p>	<p>model: 5318707 code: 172995 PACK AWAY PERSONAL SIZE FLURO 4D K99.00</p>	<p>model: 5315700 code: 172992 PACK-AWAY PERSONAL SIZE LANTERN K69.00</p>	<p>model: 2148-700 code: 111552 KEROSENE LANTERN K249.00</p>
---	--	---	---	---	--	---

OL COLEMAN PRODAKS I STAP LONG OLGETA BRIAN BELL STUA LONG PAPUA NEW GUINEA NA TU LONG OL ARAPELA COLEMAN DILAS INSAIT LONG PNG
LAZA 325 9411 HOMECENTRE CITY-GORDONS 325 9459 HOMECENTRE CITY-LAE 472 3200 TOPTOWN 479 1918 GOROKA 732 1622 KOKOPO 982 9027 MT HAGEN 542 1999 MADANG 852 1899 Email: bbsales@brianbell.com.pg

Brian Bell
Shop with a friend

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.